

# *MUKAHA PAKATI PEMAZERA*

## *MANOMWE EKEREKE*

### *NEZVISIMBISO ZVINOMWE*

 Manheru akanaka, shamwari. Mu—mukana mukuru kudzoka muno mumba maShe, manheru ano, mushumiro, uye tichiri kurarama nema—mana yemangwanani ano, zvekuti mweya yedu yaropafadzwa zvikuru neHupo hwaVo hukuru. Uye zvino, manheru ano, tiri tine... kutanga pachidzidzo che: *Mukaha Pakati PeMazera Manomwe EKereke NeZvisimbiso Zvinomwe.*

<sup>2</sup> Uye ndanga ndichingotaura, masikati ano, neimwe shamwari. Uye zvichida, Ishe vachitendera, imwe nguva muzhizha muno, kana Vakasanditora Kumusha, kana—kana kuti, ndikakwanisa kudzoka, ndikasaenda mhiri kwemakungwa kana zvimbewo, ndinoda kubata zvakare paHwamanda 7 dzekupedzisira, munona. Uye zvese zvinobatana pamwe chete. Uye—uyezve pane Matenda 7 ekupedzisira mune izvi. Zvino zvese zvinosangana pamwe chete, sezvatichaona tichifambira mberi.

<sup>3</sup> Saka, manheru ano, patiri kuita sekuzvidzikamisa... Ndinogona kungoti rebesei zvishoma manheru ano. Kunyangene... Ndichingodzoka kuno, zvino... Kuparidza kwesekwandakaita muPhoenix, handina kana imwe nguva yandakamboshoshoma, munona. Ndizvozvo. Uye, oo, ini zvangu, ndakaparidza zvakasimba kwazvo! Uye kwe, ndinotenda, akanga ari masevhisi 27, ndisina kumboshoshoma. Asi mamiriro ekunze kuno, munona. Kunongova chete, kwakangoshata chete kuno, uye, pautano, munoziva, zvandinoreva, kwaka—kwaka—kwakashata. Uye chero muparidzi ane... anotaura, ane pahuro pakashata, kutanga kwacho.

<sup>4</sup> Imwe—imwe shamwari yangu chiremba akatarisa pahuro pangu, imwe nguva, kuti aone kuti chii chainetsa. Akati, “Hapana.” Akati, “Pahuro pako pakangoomarara pakubuditsa manzwi.” Akati, “Zvakabva mukuparidza.” Zvinoka, ini—ini—ini ndinoita sekuzvifarira izvozvo, munoziva. Zvakandiita kuti ndinzwe zviri nani, chero bedzi zvichibatanidzwa nekuparidza, munona. Zvingave zvakanaka, kuHumambo hwaMwari.

<sup>5</sup> Zvino, tinogona kusakwanisa kutakura mumitumbi yedu mavanga aiye Je-... aJesu Kristu, sezvakaita Pauro, kubva

pakurohwa. Asi tinogona kutakura mavanga edu kubva mukuparidza uye nekupa inzwi redu pakupikisa zvinhu zvisiri izvo. Saka, tinotenda kuti hatichafanira kuti tirohwe zvakare, kunyanya kusvika panguva ino. Saka ti—tiri . . .

<sup>6</sup> Vangani vari muno vakaverenga *Inguva Ipi, Madzichangamire?* Kana kuti, vakainzwa, munoziva, *Inguva Ipi, Madzichangamire?* Zvakandinetsa zvakanyanya. Kana usati, ndinoshuva, neimwe nzira, kana ukakwanisa kuinzwa, kana neimwe nzira. Zvakaita sekundinetsta. Ndanga ndichingoda kudonhedzera izvi ndisati ndatanga shumiro. Rinenge—rinenge vhiki kana kuti mazuva 10 apfuura, ndakashushikana zvikuru. Ndakango . . . Ini—ini—ini handina kungo, ndaisatora shumiro kana chimwe chinhu, nekuti nda—ndaisazviziva. Zvaiita sekuti chaigona kuva chimwe chinhu chakanga chakaipa, uye ndakanga ndisingazine kuti chaivei chaizvo. Saka ini . . .

<sup>7</sup> Mamwe mambakwedza, ndakamuka, kuti ndiende kumusoro muSabino Canyon. Iyo, kubva kumba, zvinongotoru anenge maminetsi 30 ekutyaira ku . . . kana 40, kusvika kumusoro kweSabino Canyon, zvino kunozoitawo mumwe mugwagwa unoita mamaira 30 uchikwira mugomo.

<sup>8</sup> Inyika inoshamisa, kumusoro ikoko. Ndinogona kunge ndiri pano mugwenga, uko kunenge kuchipisa 80 ne 90, izvozvi, uye mumaminetsi 30 kunenge kwava nemafiti 8 echando, munoona, pamusoro pegomo. Takanga tiri kuPhoenix, nguva pfupi yadarika, pakwaiva 20 neanoraudzira, madhigirii 28. Vakatodziyisa chidziva chokutuhwina, uye vanhu vachituhwina. Zvino maminetsi angangoita 40 ekutyaira kubva ipapo, kwaiva 40 pasi pe 0, kuFlagstaff. Maona? Ndiwo mutsauko unobva kumhepo dzekumusoro nerenje. Uye kune hutano hwakanyanya kune vane asthma, nezvimwe zvakadaro.

<sup>9</sup> Asi, zvino, ndakaenda mumukaha wakadzika, uye ndikakwira kumusoro-soro chaiko kwandaigona kuenda. Zvino nda—nda—ndakabvunza Ishe, ndakagara kumusoro mukati imomo, kuti zvose izvi zvairevei, nezvimwe zvakadaro. Ndaiita sekunetseka, uye ndisingazine chaizvo zvekuita.

<sup>10</sup> Zvino saka pandainamata; chimwe chinhu chinoshamisa chakaitika. Ndi—ndi—ndinoda kutaura chokwadi. Zvino, ndogona kunge ndakabatwa nehope. Kunogona kunge kwaiva sekubatwa nemweya, kana kuti chinogona kunge chaiva chi—chi—chiratidzo. Ndakarerekera chaizvo kudivi rekutenda kuti chaiva chiratidzo. Kuti, ndainge ndakasimudza maoko angu, ndichiti, "Ishe, kuputika uku kunorevei? Uye ko Vatumwa 7 ava vari muboka rakaita—rakaita piramidhi, vachinditakura kubva pasi uye nekuenda kumabvazuva, zvinorevei?"

<sup>11</sup> Ndkanga ndakamira ipapo, mumunamato, zvino chimwe chinhu chakaitika. Saka, zvino, chimwe chinhu chakawira muruoko rwango. Uye ndinoziva, kana usinganzwisise zvinhu

zvemweya, zvinoita sezvisinganzwisisike kwazvo. Asi chimwe chinhu chakarova muruoko rwangu. Zvino, pandakatarisa, waiva munondo. Uye mubato wacho waiva wakagadzirwa neparera, parera rakanakisisa randati ndamboona. Uye chi-chinodzivirira, munoziva, uko... Ndinofunga ndecekudzivirira maoko ako kuti asachekwe, munoziva, paunenge uchi... va—vanhu vachirwa; chaiva chendarama. Uye mupeni wacho wakanga usina kurebesa, asi wainge wakapinza kunge reza chaiyo; uye waiva wesirivheri inopenya. Uye chaiva chinhu chakanakisisa chandati ndamboona. Wakangonyatsokwana muruoko rwangu. Uye ndaive ndakaubata. Ndakati, "Hauna kunaka here uyu!" Ndakautarisa. Uye ndikafunga kuti, "Asi, munoziva, ndagara ndichitya munondo." Ndakaita sekufara kuti handina kurarama mumazuva avaiishandisa, nekuti ndi-dinotya banga. Uye saka nda—ndakafunga kuti, "Ndoita sei nawo?"

<sup>12</sup> Zvino ndichakaubata, muruoko rwangu, Inzwi rakabva kune imwe nzvimbo rakati, "Uyu ndiwo munondo waMambo mukuru." Ndokubva wandisiya.

<sup>13</sup> Saka, nda—ndakashaya kuti zvarevei, "Uyu ndiwo munondo waMambo mukuru." Uye ndakafunga, "Dai Ranga rati, 'munondo wemumwewo mambo,' zvaigona kuti ndingadai ndakazvinzwisia. Asi Rakati, 'munondo waMambo mukuru.'" Saka ndinogona kunge ndisina izvi nemazvo, asi ndakafunga, "Kunongova neMumwe, Mambo mukuru, ndivo Mwari. Uye munondo waVo ndiwo *Uyu*, 'Unopinza kupfuura munondo unocheka nekumativi maviri,' munoona. 'Uye mukagara maNdiri, neMashoko aNgu...' Maona? Zvino nda—ndakafunga..."

<sup>14</sup> Mukurwa neminondo, munoona, uye sezvandinozwi.... Handina shoko rimwe randinonzwisia nezvazvo, asi, kana mutemo 1 wekurwa neminondo. Asi, pakunzwisia kwangu kwese, banga parinoenda kune mumwe. Uye zvakare, pekupedzisira, mi—minondo iyi, kana ikakochekerana, muvengi newe mukakochekerana minondo, sezvizvi, zvino zvinotora simba remunhu ari kurwa. Nekuti, munoona, munondo wake unenge wakanongedza kumoyo wangu, uye wangu kune wake, asi yakakochekerana, mapanga edu paanenge achirovana. Zvine obva arovana, zvino minondo inobva yabatana pamwe chete. Zvino uyo anogona kusundira mumwe pasi, munondo unenge wakananga pamoyo chaipo. Saka zvinotora..."

<sup>15</sup> Kunyangwe munondo uri Shoko, zvinotora ruoko rwekutenda kwakasimba kuRibata riri ipapo, kuRiunza kumwoyo wemuvengi. Zvino, ndisingazine zvinhu izvi, asi kungo... Zvose zvandakagamuchira kubva kwaVari, zvandinogona kutaura, ndakakutaurirai. Kuitira, kuti, munoziva, ndinotenda kuti zvaive... Havasi Ishe vedu here vakataura kuti, zvose zvaVakagamuchira kubva kuna Baba,

ndizvo zvaVakataura, uye vakasavanza kana chinhu? Uye—uye nokudaro tinoda kuita zvinhu izvozvo sekuya kwazvinoita. Zvino, kana mukanyatsochenjera, uye monamata, ndine chokwadi chekuti muchanzwisia chimwe chinhu nenguva isipi, zvino, chimwe chinhu chandinovimba kuti chichazarurwa.

<sup>16</sup> Zvino, muBhuku rino, tose ngativhurei zvino kuchi—chitsauko 5 cheBhuku rilonzi Zvakazarurwa zvaJesu Kristu.

<sup>17</sup> Zvino, mangwana manheru Chisimbiso Chekutanga. Zvinova izvo, Zvisimbiso 4 zvekutanga zvinozarurwa, nevatasvi 4 vemabhiza, 1 paChisimbiso chimwe nechimwe chinouya panyika. Uyezve, zvichida, hazvizotora nguva refu, kusvikira tapfuura ungangova... Muvhuro, Chipiri, Chitatu, pada China. Zvino, ndinofunga, pane Chechitanhatu... neChechishanu, Chechitanhatu, neChisimbiso Chechinomwe, zvichida zvichange zvakarebesa. Saka, pamwe zvinokupai kanguva kadiki kekuti muzorore zvishoma.

<sup>18</sup> Tinovavarira kutanga masevhisi pano, ndinotenda, na 7, muhusiku hwese hwewhiki rino. Uye ndichange ndave papuratifomu na 7:30, chaidzo. Uye zvino zvinogona kutiburitsa pakati pehusiku. Saka—saka, nda—ndadarika neawa imwe chete, mangwanani ano. Ndanga ndisingareve kudaro, ndango... Handizive kuti rinihi.

<sup>19</sup> Nokuti, handizive kuti mutasvi wekutanga chii. Handizive Chisimbiso Chechipiri, Chechitatu, Chechina, Chechishanu, Chechitanhatu, kana Chechinomwe. Inini, pari zvino, handizive. Maona? Ndiri kungovimba naYe. Nokudaro ndosaka, tiri kuedza vhiki rino, nenyasha dzaMwari kubatsira, tichitenda kuti, kana mukanzwisia zvakadzama...

<sup>20</sup> Munoziva, muzviratidzo, haugone kuzarura zvinhu kusvikira wabvumidza kuzarura. Kangani mese makandinzwa ndichiti, "Ndinopinda mumba, pamwe ngowani yakarara *apa*. Uye mumwe mwana uyu, kana mumwe akadaro, haasi kuzopodzwa kusvikira icho chaiswa *apa*." Handikwanise kuvaudza, kana kuti ini ndichiise ipapo. Chinofanira kuti, chifambiswe, neimwe nzira. Mumwe munhu anofanira kuchitora ochifambisa. Uye, zvinhu zvose zviri muhurongwa, zvadaro zvinogona kuchizarurwa.

<sup>21</sup> Saka zvino ingei muchinamata. Zvino, tisati tasvika kuBhuku, ngatitaurei naVo, takakotamisa misoro yedu.

<sup>22</sup> Ishe Jesu, isu hatina zvachose kukwana. Hatingaedze, kana nepadiki zvapo, kusvika kuBhuku rinoyerira, munguva ino tsvene-tsvene iyo mweya yakarembera mune ramangwana renguva, tisina kukumbira, Ishe, kuti, iYe oga anogona kuzarura Bhuku iri, kuti Auye mberi zvino, nekuropafadza kushingaira kune hutera kwemuranda weNy. Ropafadzai Shoko paRiri kuenda mberi. Dai Raenda musimba reMweya. Uye dai ivhu remweya reiyo... avo vane nzara nenyota yekuziva kururama

nekuziva kuda kwaMwari, dai Rawira imomo nekubereka zverudzi rwaRo. Zviiteiwo, Ishe. Rumbidzo yose ichave yeNyu. Dai vane nzara nenyota vakawana chekudya nechekunwa, manheru ano, kubva muShoko. Tinozvikumbira muZita raJesu, Uyo anova muridzi wechizaruro. Ameni.

<sup>23</sup> Zvino, zvino tiri kuzovhura kuchitsauko 5. Zvino, izvi hazvisi Zvisimbiso Zvinomwe. Mukaha pakati pemazera echechi neZvisimbiso Zvinomwe. Zvino, pane zvakare chitsauko 6 che...

<sup>24</sup> Uye pakanga paine chitsauko 4, waro, chaZvakazarurwa, uye, machiri, chakaita sekuzarura chimwe chinhu chaizoitika mushure mekunge Chechi yaenda kumusoro. Kuti, Chechi inoenda kumusoro muchitsauko 3 chaZvakazarurwa, uye haidzoke kusvikira pachitsauko 19 chaZvakazarurwa. Maona? Nokudaro, Chechi inopotsa nguva yeKutambudzika. Ndinoziva kuti zvinopesana ne—nepotse mudzidzisi wese wandati ndambotaura naye. Asi ini—ini—ini handireve kunge ndichipesana navo. Ndi—ndinoreva kunge ndiri hama yenu, asi ndi—ndinofanira kudzidzisa sekungoZviona kwandinoita. Kana ndikasararo, handikwanise kuZviunza pamwe chete, munoona. Uye zvino, kana Ikakwira kumusoro Kutambudzika kusati kwasvika kana mushure meKutambudzika, ndinoda kukwira kumusoro naYo. Ndicho chinhu chine basa.

<sup>25</sup> Saka, zvinhu izvozvo isu—isu tiri kungofungidzira, nekuti, ndisina dzidzo, ndinopa mifananidzo. Ndinotarisa ndoona zvazviri, kana zvazvainge zviri muTestamende Yekare, inova mufananidzo kana mumvuri weItsва, zvino ndinobva ndava nepfungwa yezviri Itsva yacho. Maona? Sekuti kana... Noa akapinda muareka kutambudzika kusati kwavapo, mufananidzo; asi kunyangе Noa asati, munoona, apinda muareka, Enoki akakwira kumusoro, munoona, pasati pambova nechanga chaitika. Zvino Roti wakadanwa kuti abude muSodhoma pasati pava nedonwe rimwe zvaro rekutambudzika rapinda, rekuparadzwa; asi Abrahama akanga, nguva dzose, ari kunze kwayo. Munoona, mifananidzo.

<sup>26</sup> Asi zvino tichaverenga ndima 1. Ndichaverenga ndima 2 kana 3 dzekutanga dzaYo.

*Zvino ndakaona muruoko rwerudyi rwaiye akanga agere pachigaro choushe bhuku rakanyorwa mukati nokunze kwaro, rakanamatidzwa nezvisimbiso 7.*

*Ipapo ndakaona mutumwa ane simba achidanidzira nezwi guru achiti, Ndianiko akakodzera kuti azarure bhuku, nokusunungura zvisimbiso zvaro?*

*Asi kwakanga kusina munhu kudenga, napanyika, kana napasi—kana napasi penyika, aigona kuzarura bhuku iri, kana kutarira paRiri. (IBhuku rakadini!)*

*Ipapo ndakachema zvikuru, nekuti hakuna kuwanikwa munhu akafanira kuti azarure bhuku nekuverenga, kana kutarira mariri.*

<sup>27</sup> Zvino, taurai nezvekusakodzera? “Pasina kana anokodzera kuRitarisa; hapana munhu, kana kupi zvako.”

*Zvino mumwe wavakuru akati kwandiri, Usachema hako: tarira, Shumba yerudzi rwaJudha, Mudzi waDhavhidhi, yakakunda kuti izarure bhuku, nekusunungura zvisimbiso zvaro 7.*

*Zvino ndakaona, uye, tarira, pakati pechigaro choushe nezvipuka 4, . . . pakati pavakuru, Gwayana rimire rakaita serakabayiwa, rine nyanga 7 nemaziso 7, inova Mweya 7 yaMwari yakatumwa munyika yose.*

*Zvino rakauya ndokutora bhuku muruoko rwerudyi rwaiye akanga agere pachigaro choushe.*

<sup>28</sup> Tichambomira ipapo kwechinguva, kubva pakuverengwa kwaZvakazarurwa 5, zvichidzika kusanganisira vhesi 7.

<sup>29</sup> Bhuku reZvisimbiso Zvinomwe iri rinozarurwa panguva yeMitinhiro Minomwe yaZvakazarurwa 10, zvino, kana muri kuzvinyora pasi. Ngativhurei kuna Zvakazarurwa 10, kwechinguvana, kuti muwane kunzwisia tisati tapinda mazviri. Zvino, izvi zviri munguva yekupedzisira. Nekuti, teererai:

*...Ndakaona mumwe mutumwa ane simba achiburuka kudenga, akapfeka gore: uye muraraungu . . . pamusoro wake, . . .*

<sup>30</sup> Kana mukacherechedza, ndiKristu, munoona. Nokuti, iYe, muTestamende Yekare, ainzi Mutumwa weSungano. Uye Ari kuuya akananga kumaJudha zvino, nekuti Chechi hapachina. Maona? Zvakakanaka.

*... uye chiso chake . . . chakaita sezuva, netsoka dzake sembiru dzomoto:*

<sup>31</sup> Munorangarira here Mutumwa uya muna Zvakazarurwa 1? Chinhu chimwe chete. *Ngirozi* “mutumwa.” Zvino ndiYe Mutumwa kuIsraeri. Maona? Chechi yainge yabvutwa apa, munoona, zvino, kana kuti iri kugadzirira kubvutwa. Anovinga Chechi yaKe. Zvino tarisai.

*Zvino muruoko rwake akanga akabata bhuku duku rakazaruka: . . .*

<sup>32</sup> Zvino, apa, Rainge rakavharwa uye rakasimbisa; uye apa Rakazaruka. Rakanga rakazarurwa. Kubva panguva iyoyo yekusimbisa, yatiri kupinda mairi manheru ano, zvino Bhuku rakazaruka. “KaBhuku kadiki muruoko rwaKe, mune raKe . . . Rakanga rakazaruka. Oo, kuti zuva raiva sei, sembiru . . .” Imbomirai zvishoma. Regai nditangire kumashure uku ndiverenge.

*Akanga akabata bhuku duku rakazaruka muruoko rwake: akaisa rutsoka rwake rwerudyi pamusoro pegungwa, nerutsoka rworuboshwe pamusoro penyika,*

*Zvino iye akadanidzira nezwi guru, sepaya shumba inodzvova:...*

<sup>33</sup> Tinoziva kuti ndiyе Shumba yerudzi rwaJudha. Neche apa ndiYe Gwayana; asi apa ndiYe Shumba. Maona?

*...zvino akati adanidzira, mitinhiro 7 ikabuditsa mazwi ayo.*

<sup>34</sup> Zvino, Johane akarairwa kuti anyore zvaakaona, saka muapostora, nemuporofita, akatora chinyoreso chake kuti aZvinyore.

*Zvino mitinhiro 7 yakati yareva mazwi ayo, ndakanga ndoda kunyora: ndikanzwia izwi richibva kudenga richiti kwandiri, Zarira zvinhu izvozvo zvarehwa nemitinhiro 7, uye usazvinyora.*

<sup>35</sup> Zvino, ndizvo zvacho zvatisingazine. Izvi zvichigere kuzarurwa. Hazvimo muMagwaro Matsvene, izvo zvinotaurwa neMitinhiro iyi.

*Zvino mutumwa wandakaona amire pamusoro pegungwa nepamusoro penyika akasimudzira maoko ake kudenga, (zvino teerera)*

*Akapika naiye ari mupenyu nekusingaperi-peri, akasika matenga, nezvinhu zviri maari, nenyika, nezvinhu... zviri mairi, ne... kuti nguva haingazovepo:*

<sup>36</sup> Tarirai! Herino vhesi randiri kuda kusvika kwariri.

*Asi namazuva ezwi romutumwa wechi 7, kana otanga kuridza, zvakavanzika zvaMwari zvichapedziswa, sezvaakazivisa varanda vake vaporofita.*

<sup>37</sup> Zvino, munoonaa, chakavanzika cheBhuku iri reZvisimbiso Zvinomwe chichazarurwa pakurira kweMharidzo yemutumwa wechechi yechi 7. Maona? "Mutumwa wechi 7 anotanga kuridza," zvino hedzo Mharidzo dzakanyorwa kunze uko, zvino tinaYo muchimiro chematepi nemabhuku. Zvino, "Pakutanga kwekurira kweMharidzo, zvakavanzika zvaMwari zvinofanira kупедзисва, munoonaa, panguva iyoyo." Zvino tichacherechedza. Bhuku, rechakavanzika chaMwari, harizarurwi kusvikira Mharidzo yemutumwa wechi 7 yaridzwa.

<sup>38</sup> Zvino, zvirevo izvi zvichange zvakakosha muZvisimbiso, ndine chokwadi, nekuti Zvinofanira, chikamu chose, kubatana pamwe chete.

<sup>39</sup> Zvino, Zvakanyorwa zvakavanzika, nekuti hapana munhu, kupi zvako, anoZviziva. Mwari yoga, Jesu Kristu, munoonaa. Zvino, asi zviri...IBhuku, Bhuku rakavanzika. IBhuku reRudzikinuro. Tichapinda mazviri, munguva pfupi.

Uye zvino tinoziva kuti Bhuku iri reRudzikinguro harisi kuzonyatsonzwisawa; Rakanzverwa, nemumazera 6 echechi. Asi pakupedzisira, mutumwa wechi 7 paanotanga kuridza chakavanzika chake, anopedzisa zvese zviya zvakasaririra izvo varume ava vakanzvera pazviri. Uye zvakavanzika zvinoburuka kubva kuna Mwari, seShoko raMwari, uye zvozarura chizaruro chose chaMwari, zvino Humwari nezvimwe zvose zvinobva zvagadziriswa. Zvakavanzika zvose, mbeu yenyoka, nezvimwe, zvichazarurwa.

<sup>40</sup> Zvino, munona, handisi kungozvifungidzira. Ndizvo zviri...Iyi IZVANZI NAJEHOVHA. NdichaZviverenga kwamuri kubva muBhuku, "Kurira kweMharidzo yemutumwa wechi 7, chakavanzika chaMwari chinofanira kупедзисва, icho chakazivisva nevaporofita vaKe vatsvene," ndivo vaporofita vakanyora Shoko. Pakurira, kwezera rechechi yechi 7, zera rechechi yekupedzisira, zvakasaririra zvose, izvo zvakanzverwa nemumazera echechi aya, zvichaunganidzwa pamwe chete.

<sup>41</sup> Zvino kana Zvisimbiso zvaparurwa, uye chakavanzika chazarurwa, Ngirozi inoburuka, Mutumwa, Kristu, akaisa tsoka yaKe pamusoro penyika napamusoro pegungwa, nemuraraungu uri pamusoro waKe. Zvino, rangerirai, mutumwa wechi 7 uyu ari panyika panguva yeKuuya uku.

<sup>42</sup> Sezvakangoita Johane achipa mharidzo yake, nguva imwe cheteyo yakauya Mesiya mumazuva iwayo. Johane aiziva kuti aizoMuona, nekuti ndiye anga ari kuzoMuzivisa.

<sup>43</sup> Uye tinocherechedza kuti, muMagwaro, muna Maraki 4, pachava nemumwe akaita saJohane, mumwe—mumwe Eria uyo Shoko raMwari rinogona kuuya kwaari. Uye anofanira kuzarura, neMweya Mutsvene, zvakavanzika zvose zvaMwari, uye wodzoreredza Kutenda kwevana kudzokera pakutenda kwemadzibaba echiapostora, kudzoreredza zvakavanzika zvese izvi zvakanzverwa, mumakore emasangano aya. Zvino, ndizvo zvakataurwa neShoko. Ndinongodavirira kune zvaRakataura. Maona? Ra—Rakanyorwa, ndizvozvo. Ndizvo zvaRiri.

<sup>44</sup> Zvino, tinoona kuti Bhuku reZvisimbiso Zvinomwe iri, zvino, ndicho chakavanzika cherudzikinguro. IBhuku reRudzikinguro, kubva kuna Mwari.

<sup>45</sup> Zvino, zvakavanzika zvose, panguva iyi, zvinofanira kупедзисва pakuridza kwemutumwa uyu. Zvino, *heino* ngirozi iri panyika; uye "imwe" Ngirozi, Mutumwa ane simba, anoburuka. Munona, ngirozi *iyi* yaiva ngirozi yepanyika, mutumwa; asi *heuno* Mumwe achiburuka kubva Kudenga, sungano yemuraraungu, munona, uyu ndiKristu chete.

<sup>46</sup> Chaizvo sezvazvakanga zvakaita muna Zvakazarurwa, chitsauko 1, "Akamira pakati pezvigadziko zveMakenduru Manomwe zveGoridhe, aine muraraungu, akaita sedombo rejaspisi nesadhio."

<sup>47</sup> Zvino heuno Adzoka zvakare, muchitsauko 10, mushure menguva inouya yekuti zvakavanzika zvese zvichapedziswa uye Zvisimbiso zvigoparurwa, uye nekuzivisa kuti ndizvo, “Nguva hapachina.” Uye Akati, “Kana mutumwa wechi 7 atanga kuridza, zvino zvakavanzika zvinofanira kупедзисва, uye inguva yekuti Mutumwa aonekwe.” Taswedera pedyo, pane imwe nzvimbo. Ndizvozvo. Zvino cherechedzai.

<sup>48</sup> Zvisimbiso Zvinomwe zvakabata chakavanzika cheBhuku iri. Kusvikira takwanisa kuona izvo zvakasimbisirwa mukati neZvisimbiso Zvinomwe izvi, tinenge tichingoita zvekufungidzira pazvinhu izvi. Nekuti, sezvandakuudzai, mangwanani ano, paMharidzo yangu duku mangwanani ano, yaMwari vakavanda muhunyoro. Munoona, isu—isu tiri... Tine chokwadi chekupotsa nyaya yacho kunze kwekunge zvirokwazvo, zvechokwadi Yanyatsozururwa neMweya Mutsvene, uye yosimbisa zvimwe chetezvo. Maona? Kana muporofita akasimuka okuudzai kuti iZvi zvingori iZvo, asi Mwari vorega kusimbisa zvimwe chetezvo, kanganwai nezvazvo. Maona? Asi Mwari, muchirevo chimwe nechimwe, mune zvese, vanofanira kuZvisimbisa, kuti vaZviite zvechokwadi. Maona? Saka, vana vaVo vanotarisa zvinhu izvozvo, munoona, uye vonge vakachangamuka, cherechedzai.

<sup>49</sup> Zvisimbiso Zvinomwe paBhuku, zvine... Zvisimbiso Zvinomwe izvi zvine Bhuku iri rakasimbiswa. Maona? Bhuku iri rakasimbiswa zvirokwazvo. Muri kuzviona here? Bhuku iri zvirokwazvo iBhuku rakasimbiswa kusvikira Zvisimbiso Zvinomwe izvi zvaparurwa. Rakasimbiswa neZvisimbiso Zvinomwe. Zvino, zvakasiyana neMitinhoiro Minomwe. Maona? Izvi Zvisimbiso Zvinomwe zviri paBhuku. Uye Bhuku harisi, Zvisimbiso hazvisi kuzozarurwa kusvikira paMharidzo yemutumwa wechi 7. Maona? Saka isu—isu tiri kufungidzira; asi chizaruro chechokwadi chaMwari chichakwaniswa mukurira ikoko, Chokwadi chakasimbiswa. Zvino, ndizvo chaizvo zvinotaura Shoko, “Chakavanzika chinofanira kупедзисва panguva iyoyo.”

<sup>50</sup> Uye Bhuku iri reZvisimbiso Zvinomwe, rangarirai, Rainge rakavarharwa pano, muna Zvakazarurwa chitsauko 5, uye muna Zvakazarurwa chitsauko 10 Rakazaruka.

<sup>51</sup> Uye zvino tichaona kuti Bhuku iri rinoti kudii pamusoro pekuti Rakazaruka sei. Uye hazviziviswe kusvikira Gwayana ratora Bhuku, nekuparura Zvisimbiso, nekuzarura Bhuku. Maona? Gwayana rinofanira kutora Bhuku.

<sup>52</sup> Rakavanzwa. Zvino rangarirai, “Hakuna munhu Kudenga, hakuna munhu panyika,” papa, bhishopi, kadhinari, mukuru wedunhu, kana ani zvake, “anogona kuparura Zvisimbiso, kana kuzarura Bhuku, kunze kweGwayana.” Zvino takanzvera,

tikafungidzira, nekugumburwa, uye tikashaya kuziva, zvino—zvino ndicho chikonzero tose tiri munyonganiso yakadai.

<sup>53</sup> Asi nevimbiso yaMwari yekuti Bhuku iri reRudzikinuro richazarurwa zvakakwana neGwayana, uye Zvisimbiso zvachozvichasunungurwa neGwayana, mumazuva ekupedzisira atiri kurarama maari zvino. Uye hazviziviswe kusvikira Gwayana ratora Bhuku roparura Zvisimbiso. Nekuti, rangarirai, Bhuku rakanga rakabatwa mumaoko aiYe akanga agere paChigaro cheushe. “Zvino Gwayana rinouya kuna iYe agere paChigaro cheushe, uye rotora Bhuku kubva muruoko rwaKe rworudyi.” Rinotora Bhuku! Oo, zvakadzika. Tichaedza kuzvijekesa kana tikakwanisa, nerubatsiro rweMweya Mutsvene. Zvino tiri kuvimba naYe. Uye tichaona, gare-gare, kuti zviri panguva yekupedzisira, “Apo nguva yapera.”

<sup>54</sup> Hakuna masangano ane kodzero yekududzira Bhuku. Hapana munhu ane kodzero yekuRidudzira. IGwayana RinoRidudzira. Uye Gwayana ndiRo RinoRitaura, uye Gwayana rinoita kuti Shoko riziviswe, nekusimbisa nekuunza Shoko kuHupenyu. Maona? Chaizvoizvo! Cherechedzai. Uye hazvizarurwe kusvikira . . .

<sup>55</sup> Bhuku iri harizarurwi kusvikira mazera echechi nemazera emasangano apera, “uye pasisinazve nguva.” Mazviona? Rinozharurwa chete mushure mekunge mazera echechi nemazera emasangano apera.

<sup>56</sup> Ndicho chikonzero chinhu chacho chiri mukukanganisika kwakanyanya manheru ano. Munoona, vanonhonga kadzidziso kadiki, vobva vamhanya vakadai neuku kune rimwe divi, voti, “Izvi ndiZvo izvi!” Mumwewo anonhonga imwewo dzidziso, omhanya akadai neuku, oti, “Izvi ndiZvo izvi!” Zvino mumwe nemumwe anovaka sangano pasi pazvo, kusvikira tava nemazana emasangano. Asi zvakadaro, mune zvese izvozvo, uchiona nyonga-nyonga, vanhu vari kutadza kuziva kuti, “Chii Chokwadi?” Kana chisiri icho chinhano chanhasi!

<sup>57</sup> Asizve Anovimbisa, kuti, “Kana nguva iyoyo yapera, kuchava nekurira kweinzwi remutumwa wechi 7, zvino ipapo Bhuku richazarurwa, munona, panguva iyoyo.”

<sup>58</sup> Zvino, usati, hapana kana ani zvake, “Vanhu ivavo havana kuponeswa kumashure ikoko.”

<sup>59</sup> Asi, zvakavanzika, zvavasina kunzwisia! Zvekuti Mwari vanogona sei kuva 3 uye, zvakadaro, vari Mumwe! Kuti Rugwaro rwunogona sei kuti, “Bhabhatidzai muZita raBaba, Mwanakomana, Mweya Mutsvene,” uye rwotendeuka rwoti, “Bhabhatidzai muZita raJesu.” Maona? Oo, zvinhu zvakawanda kwazvo! Ko Evha angadya apurosi sei uye okonzeresa kukanparara kwenyika yose? Maona? Zvinhu izvi zvingaitika sei? Asi zvakavanzika izvozvo zvakavimbisa kuzarurwa munguva yekupedzisira.

<sup>60</sup> Ndeizvo zvakasaririra zvidiki, zvaka... Mhare huru idzi dzakauya panzvimbo, vakaita saIrenaeus, naMartin, Mutsvene Martin, naPolycarp, nevamwe vakasiyana, naLuther, naWesley, nevamwe vose ava. Maona? Zvekuti vakauya sei uye vakangorarama kwenguva inokwana ku—kuita sekuunza chiedza nekuchivhenekera, asi vakasiya zvinhu zvizhinji zviri mu—murima. Pakazouya Zera rePentekosti, seZera rechiLutherani, ndokungomhanyawo nezvimwe zvinhu zvavaitenda. Asi zvakadaro, zvakanaka, musati vakanga vasingaiti kwazvo. Vaiita kwazvo. Asi pane zvakasaririra zvakasiwa, izvo zvisingagoni kutsanangurwa. Asi zvakare mu... Sei? Zvisimbiso hazvisati zvaparurwa, kunyatsozarura kuti zvinhu izvi zvii. Maona?

<sup>61</sup> Asi zvino, muzera rekupedzisira, zvakavanzika zvese izvi zvinofanirwa kujekeswa nekugoverwa. Uye Zvisimbiso zvinofanira kuzarurwa neGwayana, uye zvozarurwa kuChechi, zvino ipapo nguva haizovapo. Maona? Zvinoshamisa zvakadii! Zvino, Bhuku iri, zvino, iBhuku reRudzikinuro. Nekuti, ipapo Rinoenda mberi...

<sup>62</sup> Uye tichaunza, pamberi apo, kuti 144,000 ava vanounzwa sei, nezvimwe zvakadaro. Zvakanaka. Ava maJudha ava.

<sup>63</sup> Zvino, manje, Pauro. Ngativerengei zvishoma. Ndinowana mamwe eMagwaro aya, uye ndinofunga kuti tinofanira ku—kuAverenga. Zvino ngativhvurei tose; Pauro, muna VaEfeso 1.

<sup>64</sup> Vazhinji vavo ndinoona vari kunyora. Vane mabhuku avo uye vachinyora Magwaro pasi, vachiatara muBhaibheri ravo, kuti vagozovitevera. Saka, zvaka—zvakanaka. Ndinoda kuti muite izvozvo, zvino moenda kumba monoZvinzvera. Maona? Uye—uye kana ukaZvinzvera, pachako, zvino ucha—uchaZvinzwisia zviri nani. Maona? IngoZvinzverai, uye wokumbira Mwari kuti vakubatsire kunzwisia.

<sup>65</sup> Zvino ngativerengei gwa—Gwaro randanyora pasi pano. VaEfeso 1:13 ne 14, zvino.

Watakavimbawo zvakare *maari*, mushuremekunge *manzwa shoko rechokwadi*, uye *vhangeri yokuponeswa kwenuy*: *maari...* mushuremekunge *matenda*, *mukaisirwa chisimbiso neMweya mutsvene wevimbiso*,

Unova *rubatso rwenhaka yedu* kusvika *pakudzikinurwa kwepfuma yakatengwa*, kurumbidzo *yekubwinya kwake*. Maona?

<sup>66</sup> Zvino, takavhura Magwaro, ngati... Munoona, Mweya Mutsvene pano, pachaWo, Chisimbiso. Mweya Mutsvene Chisimbiso. Uye Chisimbiso chinomiririra (chii?) basa rakapedzwa, Mweya Mutsvene uri iwo Chisimbiso kudungamunhu. Uye kudungamunhu iyeye, kana agamuchira Mweya Mutsvene, zvino nguva yake yekugomera yapera, munoonaa, nekuti ibasa rakapedzwa.

<sup>67</sup> Sezvo, ndaimboshandira kambani yezvitima, zvino taizadza matiroko nemagaba uye nezvinhu zvakasiyana-siyana kubva kufekitari inoisa zvinhu mumagaba. Uye, asi, zvino, tiroko iroro risati raiswa chisimbiso, inisipekita aiuya otenderera, kuti aone kana tiroko iroro rarongedzwa zvakanaka. Kana risina, [Hama Branham vanoombera maoko avo—Mupepeti] kekutanga parinodhumana nechimwe chinhua, raizomwaradzira zvinhu nekuzviputsa, zvino—zvino kambani yezvitima ndiyo yaizopindurira. Uye inisipekita uyu aiyedza zvinhu zvese, kuti aone kana zvarongedzwa panzvimbos zvakanaka. Kana zvisina, aisapasisa tiroko iroro. Zvino taizotangidza zvose patsva, kusvikira inisipekita uyu agutsikana. Uye zvakare kana inisipekita uyu agutsikana, anovhara mukova wacho. Inisipekita ndiye anovhara mukova. Zvino inisipekita uyu ndiye anoisa chisimbiso pariri, uye hapana anogona kutyora chisimbiso ichi kusvikira rasvika kwariri kuenda.

<sup>68</sup> Ndizvo zvanga zviri kuitwa neMweya Mutsvene. Maona? Unoenda uye Wonoongorora. Ndicho chikonzero usingagone kuva nezvinhu izvi uye... Unoti, “Ndakataura nendimi, uye ndikadanidzira, uye ndakatamba muMweya.” Izvozvo hazvinei nechekuita naZvo. Maona? Mweya Mutsvene unoongorora munhu iyeye kusvika Wanyatsogutsikana uye waziva kuti zvaita.

<sup>69</sup> Zvino, vanosimbisa kusvika vasvika kunzvimbos yavo yeKusingaperi. Hapana chinogona kuparura Chisimbiso ichocho. Bhaibheri... Muri kunyora Gwaro renyu pasi. VaEfeso 4:30, yakati, “Musachemedza Mweya Mutsvene waMwari, wamakasimbisa nawo kusvikira paZuva reRudzikinguro rwenyu.” Batai shoko iroro, “rudzikinguro,” munoono. Kusvikira zuva iro Bhuku reRudzikinguro razarurwa, uye Mudzikinguri auya kuzotora zviri zvaKe! Hapana chinogona kuzviita. Maona? “UsaUchemedze.” Gara... Ita zvinhu zvinofadza Mwari, nekuti Bhuku rakaiswa chisimbiso, zvino, uye wakaiswa chisimbiso. Mweya Mutsvene, pachaWo, Chisimbiso.

<sup>70</sup> *Chisimbiso* chinoreva... Zvino, aya ndiwo mazwi andawana kubva muduramazwi. *Chisimbiso* chinoreva “basa rapedzwa.” Uye kana *Chisimbiso* Chechinomwe chaparurwa, chakavanzika chaMwari chakasimbisa muZvisimbiso izvi zvakavanzika chinopedziswa. Kusvikira zuva rinoparurwa Chisimbiso ichi, uye chobva chazarurwa zviri mukati maCho.

<sup>71</sup> Kana munhu achishaya kuziva zviri mutiroko iroro, oti, “Panofanirwa kuva nezvakati-ne-zvakati. Panofanira kuva.” Arikuita zvekufungidzira. Asi kana chisimbiso chaparurwa, nemusuwo wazaruka, tinoona zviri mariri zvino uye toona chaizvo zvirimo.

Mazviona here? Zvino izvozvo zvichaitwa chete panguva yekupedzisira.

<sup>72</sup> Chimwezve chinomiririrwa neChisimbiso, “muridzi.” Munoona, Chisimbiso chine mucherechedzo paChiri, unoratidza muridzi. Kana wakatengwa neRopa raJesu Kristu, uye ukasimbiswa neMweya Mutsvene, hauchisiri wenyika kana chero chinhu chine chekuita nenyika. Wave waMwari.

<sup>73</sup> Chimwe chinhu, ndecekuti, Chisimbiso “ichengetedzo” Chisimbiso zvinoreva kuti wakachengetedza. Zvino, imi musingatendi mukuchengetedza Nokusingaperi, handizivi, munoona. Asi zvino, asi, Chisimbiso chinoratidza chengetedzo kusvikira kwachiri kunogumira. Nhamo kune muchinda iyeye angaiedza kuparura Chisimbiso ichocco! Zvino Chisimbiso cheMweya Mutsvene hachikwanise kuparurwa.

<sup>74</sup> Imi mose makandinzwa ndichiti vanhu vakati, “Dhiyabhare akandiita kuti ndiite izvi.” Kwete, kwete, dhiyabhare haana kuzviita. Wanga usitomborina kusimbisirwa mukati. Nekuti, kana wakasimbisirwa mukati, iye akasimbisirwa kunze. Ehe. Maona? Zvino, wakabuda uchienda kwaari. Uh-huh. Haaikwanisa kupinda mauri, nekuti nzira yega yekupinda mauri ndeyekuuya nenzira imwe chete yawakauya nayo. Anofanira kuti aponeswe, acheneswe, nekuzadzwu neMweya Mutsvene, zvino anozova hama yako. Saka, munoona, saka iye—iye haana kuzviita. Kwete, kwete. Wakangoenda kumuganhu ukadzoka, uchichiva zvinhu zvenyika. Hauna kumboenda nzira yose kunopinda muKenani, munoona, mhiri kweJorodhani, kufa kune zvauri. Maona?

<sup>75</sup> Zvino cherechedzai, zvino, Bhuku iri rakasimbiswa. Uye—uye wakaiswa chisimbiso, neBhuku, kusvikira paZuva reRudzikinuro.

<sup>76</sup> Zvakare, muna VaRoma 8:22 na 23. Ngatitorei iwayo, uye tichapa nhoyo iyi, zvino ndinofunga tichaZvinzwisisa zviri nani zvishoma kana munhu wega-wega vakaZviverengera pachavo. Ndiri kukupai Magwaro mashoma pano, kuti tigone—tigone kuAtarisa, uye nguva ichiripo. Zvino, 8, VaRoma 8:22, kutanga.

*Nokuti tinoziva kuti zvisikwa zvose zvinogomera nokurwadziwa nemarwadzo pamwe chete kusvikira zvino.*

Uye zvisiri izvo bedzi, asi nesuwo zvakare, vane zvibereko zrekutanga zveMweya, kunyangwe nesu timene tinogomera mukati medu, takamirira kugadzwa, kunova, kudzikinurwa kwemuviri wedu.

<sup>77</sup> Oo, ini zvangu! Oo, ini zvangu! Izvozvo hazviiti kuti isu vanhu vakuru tinzwe zvakanaka here? Zvinofanira kutiita kuti tese tinzwe zvakanaka, takamirira nguva ino. Timonzwisisa kuti izvi zvichaitika parumuko rwekutanga. Maona? Zvisikwa zviri kugomera. Tiri kugomera. Zvinhu zvose zviri kugomera, nekuti tinocherechedza kuti pane chimwe chinhu chisina kumira zvakanaka. Uye nzira chete yaunogona kugomera,

uye nokuzvimirira, imhaka yekuti pakave neHupenyu hutsva hwakauya muno *umu*, hunotaura nezveNyika itsva.

<sup>78</sup> Semudzimai wangu pano, kasiri kare, takaenda kuno uku kusupamaketi. Ini ndikati, “Takaona chinhu chinoshamisa; mumwe mudzimai ainge akapfeka rokwe.” Uye zvaishamisa zvikuru, munoono. Ivo, vari... Potse vese zvavo havapfeke marokwe, munoono. Uye, neimwe nzira, vanokanganwa; vanobuda vasinawo. Saka zvino isu... Vanokanganwa nekuda.

<sup>79</sup> Uye saka, zvino, Meda akati kwandiri, akati, “Bill, ko sei zvichidaro?” akadaro.

<sup>80</sup> “Oo,” ndikati, “unongova mwuya wenyika ino.” Ini ndikati, “Ukaenda kuGermany, vane mumwewo mwuya. Ukaenda kuFinland, vane mwuya wenyika iyoyo. Wouya kuAmerica kuno, tine mwuya wenyika.”

<sup>81</sup> Mwuya wedu wenyika ndewedambe, nyambo. Munoziva chikonzero nei? Takavambwa paDzidziso yeavaapostora. Taivamba pahutungamiriri hwevarume vakuru, saWashington, Lincoln. Asi takabva panheyo iyoyo, uye tinoziva kuti zviri kuzotiyira. Tinoziva kuti rimwe bhomba reatomiki rine zita redu rakanyorwa pariri. Tinoziva kuti hutapwa huri mberi kwedu. Hapana chikonzero chekuzvinyengedza pachako.

<sup>82</sup> Zvinondirangaridza, sevamwe vasetsi ava, vachidzika uye—uye vachitaura nyambo idzi, nekuenderera, uye vakadzi vachienderera nenzira yavanoita, uye nevarume, pamwe chete. Zvinongondirangaridza nezvekomana kadiki kachipfuura nemumakuva, kachiridza muridzo, kachiedza kuzviita kuti katende kuti hakasi kutya. Chokwadi, kari kutya. Maona? Hapana munhu wakari kunyengedza. Ndosaka kari kuridza muridzo. Maona? Kari kuedza kutaura kuti hakasi kutya, asi kachitya. Uye ndiro dambudziko, nhasi.

<sup>83</sup> Asi, oo, itariro yakaropafadzwa zvakadii yomutendi, ari kusimudza maoko, nekuti rudzikinuro rwedu rwava pedyo. Paanoona zvinhu izvi zvichionekwa, inguva huru kune mutendi.

<sup>84</sup> Zvino, zvinhu izvi, izvo, kugomera mumitumbi yedu. Wakambocherechedza muti here, kuti unotamburira sei hupenyu? Uri kuda kurarama. Uye unochedza mhuka, kuti mu—murufu, inorwisa zvakadii. Munocherechedza munhu, zvinhu zvese, zvisikwa zviri kugomera. Isu, mukati medu, tiri kugomera. Maona? Tinoziva kuti pane chimwe chinhu chisina kuita zvakanaka. Tinoona, kubva mundima idzi, kuti chimwe chinhu chakarasika, zvose kumunhu pamwe nenyika. Zvisikwa zvemhando dzose, zvakarasikirwa nechimwe chinhu, nekuti tinoona kubva muShoko rakafemerwa iri kuti zviri kugomera nekuda kwechimwe chikonzero. Iwe, haugomere kunze kwekunge paine chikonzero pazviri.

Sezvandataura nezveingi, chikonzero.

<sup>85</sup> Ndiyo nzira mukunamatira vanorwara; kusvikira wakwanisa kuwana chikonzero! Ndinoziva mushonga wacho, asi ndinofanira kuwana chikonzero chacho. Ndicho chikonzero zviratidzo zvichidikanwa kwazvo uye zvakakosha; zvinozarura zvakavanzika zvemoyo, zvinoudza munhu pawakakanganisira, uye nezvekuita. Maona? Hazvina mhosva kuti unotora mushonga wakawanda sei, kana kuti unodira mafuta akawanda sei pamisoro yavo, kana kuti mumwe munhu angazhambata zvine ruzha zvakadini pamusoro pako; kana pane chimwe chinhu chisina kururama, iye anoramba akarara ipapo. Ndati “iye,” ndiSatani iyeye.

<sup>86</sup> Munoona, nhasi, sekubudirira kwataita, mune zvekurapa, zvakadaro hatizive chinhu pamusoro pezvinhu izvi. Unoti, “Ane kenza.” Zvinoka, hapana zviripo apa. Izvo, izvozvo—izvozvo zvinongotaura zvairi. Zvinongotaura zita rechirwere pakurapwa kwacho, kenza. Hazvinei nechekuita nezvairi chaizvo. Ndiro zita ratinoidaidza naro. Tinongoitumidza zita rekuti, kenza. Asi, chaizvo, zvairi, tikadzika nayo, idhimoni.

<sup>87</sup> Zvino, tinoti “chivi.” Tinongochiti chivi. Kunyatsodzika nacho. Chivi chii? Vanhu vazhinji vanoti, “Kunwa, kuita hupombwe.” Kwete, kwete. Izvozvo zviberekro zvechivi. Maona? Ndizvo zvinhu zvinokonzerwa nechivi, munoona. Asi chivi chaicho kusatenda. Ndipo pachi—ndipo pachinopiwa zita uye chodanwa. Kana uri mutendi, hauite zvinhu izvozvo. Asi zvisinei nokuti unoedza kuzviita mutsvene zvakadii, uye nokuedza kuva munamati zvakadini; kana uchiita zvinhu izvozvo, hausi mutendi. Zviri muMagwaro izvozvo.

<sup>88</sup> Zvino, chimwe chinhu chakarasika, uye chiri kugomera. Chiri kuedza kudzokera, kudzokera kuchinhano chacho chepamavambo.

<sup>89</sup> Ungafungidzira here mumwe munhu achidonha kubva panyika, odzika mugomba rakadzika pane imwe nzvimbo, uye achishingaira, achikwira, achidhonza? Vanofanira, neimwe nzira, kubuda mugomba iri. Havasi muchinhano chavo chepamavambo. Uye, mukupatarika, vari kuridza mhere. Vari kumaranzura madziro, vachiita ruzha, kana kuita neimwewo nzira. Vari—vari kugomera nekuti vanoda kudzokera kuchinhano chavo chepamavambo.

<sup>90</sup> Ndicho chikonzero munhu, akarohwa nedenda, kudzimbikana uye nemarwadzo. Imwe nguva vakanga vasina kudaro, asi vari kugomera. Sei? Havasi kunzwa zvakanaka. Pane chimwe chinhu chakakanganisika. Uye vari kugomera, uye vachiedza kudzokera kune zvavakanga vari pavakanga vase hutano.

<sup>91</sup> Uye kana zvisikwa nevanhu, sezvakarehwa neBhaibheri, “zviri kugomera,” zvinoratidza kuti pane chimwe chinhu, chokuti hazvisi muchinhano chazvo chazvinofanirwa kuva.

Zvakawa zvichibva kune imwe nzvimbo. Zvino, hatidi chero munhu kuti atidudzirire izvozvo. Maona? Nekuti, hongu, tinoziva kuti hwaiva Hupenyu Husingaperi, hwazvakanga zvawa kubva kwahuri. Uye zvikarasikirwa nekodzero yazvo kuHupenyu Husingaperi, nekuwa kwaAdhamu naEvha, vakawa kubva kuHupenyu Husingaperi, kuenda kurufu, mubindu reEdheni, ndokuunza zvisikwa zvose, pasi pavo, kurufu.

<sup>92</sup> Muti hauna kumbobvira wafa, Adhamu asati avapo. Mhuka yaisafa, Adhamu asati avapo. Uye pane chinhu 1 chisingafe, zvino ndiMwari, nokuti ndeVaZiyendanakuenda. Uye ndiyo nzira chete yekuti tirege kufa, tinofanirwa kuva neHupenyu Husingaperi matiri, kuti tive vanakomana nevanasikana vaMwari.

<sup>93</sup> Asi patinofa, sezvandaura muMharidzo mangwanani ano, kuchivi, takatengesa hudangwe hwedu tikayambuka mukaha uyu. Zvino tava kure kusingavikirike Mwari, kune rumwe rutivi urwu rwemukaha. Zvino, zvirokwazvo, Adhamu paakawa, kurufu, akaunza rufu pazvisikwa zvose.

<sup>94</sup> Zvino, akapihwa rusununguko rwekuzvisarudzira. Rwakapihwa kwavari zvakangoitawo isu, kuti tiite sarudzo. Zvino, Adhamu naEvha, pamavambo, paiva nemuti wechakanaka nechakaipa pamberi pavo, uye muti mumwe chete iwoyo uri pamberi pemumwe ne—nemumwe wedu. Munoono, Mwari havasi kuitira Adhamu kana Evha... Unoti, “Asika, imhosva yavo.” Kwete, kwete zvino haisi. Imhosva yako. Iwe haugone kuzviisa pana Adhamu zvino. Unofanira kuzviisa pauri pachako, nekuti chakanaka nechakaipa zvakaiswa pamberi pakao. Isu tiri pahwaro humwe chetehwo saAdhamu naEvha.

<sup>95</sup> Asi, munoona, kana tadzikingurwa, hatichada sarudzo yedu pachedu, asi tinoda sarudzo yaVo. Maona? Maona?

<sup>96</sup> Zvino, Adhamu naEvha vaida sarudzo yavo pachavo. Vaida, vaida kuona kuti kuva nehuchenjeri kwainge kwakadii, saka vakanzvera nemazviri, zvino zvikakonzera rufu.

<sup>97</sup> Zvino, kana munhu adzikingurwa, haachina hanyn'a zvachose nezvedzidzo. Haachina hanyn'a zvachose nezvinhu zvenyika, huchenjeri hwenyika. Haadi imwe sarudzo zvachose. Kristu ndiye aive sarudzo yake, uye ndizvozvo chete. Akadzikingurwa. Haachatongoda kuzvitungamirira pachake. Haadi mumwe munhu anomuudza kwekuenda uye nezvekuita. Anongomirira otsvaga sarudzo yeMusiki wake. Maona? Zvino anoenda muZita reMusiki wake, kana Musiki amuudza kuti aende. Maona?

<sup>98</sup> Asi munhu achitsvaga huchenjeri, anoda kutsvaga, “Asika, dunhu rekereke iyi rakanaka kwazvo; asi vanondibhadhara yakawanda mhiri uko, saka ndichaendako.” Maona? Munoono, huchenjeri.

<sup>99</sup> Zvino, Adhamu paakatadza, nekuteerera pakushandisa pfungwa kwemudzimai wake panzvimbó yekubatirira paShoko raMwari, ndizvo zvakaita kuti Adhamu atadze. Mudzimai wake akapangana naSatani, ndokunza nyaya yacho kuna Adhamu, Adhamu ndokusya Shoko akazvitengesa.

<sup>100</sup> Akarasikirwa, zvakare, nenhaka yake, paakarasikirwa nekuyanana kwake nekodzero kuHupenyu. Rangarirai, "Zuva raounoudya, nezuva iroro uchafa." Zvino paakarasikirwa neHupenyu hwake, akarasikirwaho nenhaka yake muhupenyu, nekuti aiva nehutongi hwese hwepamusoro-soro penyika. Akanga ari mwari wepanyika. Mwari ndimwari wezvisikwa zvese, kwese-kwese. Asi mwanakomana waVo aiva nenyika ino iri pasi pekutonga kwake. Aigona kutaura, aigona kupa mazita, aigona kureva, aigona kumisa zvisikwa, aigona kuita chero chaaida kuita. Maona? Asi, paakaita izvozvo, akarasikirwa nenhaka yake.

<sup>101</sup> Zvino, Adhamu aigona kuti, "Gomo iri, riri pano, ngaribve riende uko," uye raitozviita. Adhamu aigona kuti, "Muti uyu, uri pano, ngaudzurwe uye udyarwe neche apa," waitozviita. Maona? Nekuti akanga ane simba rizere, repamusoro-soro, samwari mudiki pasi paMwari Baba vedu, nekuti akanga ari mwanakomana waMwari.

<sup>102</sup> Zvino hatingamire here pano kwechinguvana kuti tiwane mharidzo chaiyo! Maona? Oo! Zvino, kana Ropa rakazvichenesa zvakare, ko iko zvino? Maona? Tarissai Mwanakomana waMwari, Adhamu wechipiri uyu, zvaakaita. Maona? Uye akati, "Mabasa aNdinoita, nemi muchaaita zvakare." Maona?

<sup>103</sup> Adhamu akarasikirwa nenhaka yake, nyika. Zvino, yakabva muruoko rwake ichienda kune uyo waakaitengesera, Satani. Akatengesa kutenda kwake muna Mwari, kune kushandisa njere kwaSatani. Nokudaro, Hupenyu hwake Hwekusingaperi, kodzero yake kuMuti weHupenyu, kodzero yake kunyika, yakanga iri yake, zvino akarasikirwa nezvese zvichienda mumaoko aSatani. Akaipfuudza kubva muruoko rwake ichienda kuna Satani. Naizvozvo, zvino, yakadaro, yakadzoka uye yakasvibiswa. Uye Mbeu yaAdhamu yakaparadza nhaka iyo Adhamu aifanirwa kunge anayo, inova iyo nyika. Ndizvozvo, munoonaa, mbeu yaAdhamu.

<sup>104</sup> Ndakamira, rimwe zuva, zasi kuTucson kwandinogara. Zvino ndaitaura nemumwe munhu, kumusoro panhongonya pegomo, takatarisa pasi. Ndakati, "Unofungei! Kuti, makore 300 akapfuura, muPapago wekare akauya neuko ari pachirei chake, aine mudzimai wake nevana vakagara kumashure, vakatasva kunze ikoko kune imwe nzvimbo ndokugara havo murunyararo. Pakanga pasina hupombwe, pasina hwiski, pasina njuga, pasina kana chinhu pakati pavo. Vairarama zvakachenya. Uye makava aidzika zasi ne—nerukova, manheru

ega-ega, nemuTucson muno, achirira. Uye miti ye mesquite nemadhorofiyo zvaitumbuka, mumahombekombe. Uye Jehovha vakatarisa pazviri zvino vanofanirwa kunge vainyemwerera. Asi munhu wechichena akauyako, zvino akaitei? Akagobora madhorofiyo iwayo. Akasvibisa nyika, nemagaba edoro nemabhdhoro ewhiski. Akashatisa hunhu hwerudzi. Nzira bedzi yaaignona kukurira nayo muIndia yakanga iri yekuuraya chekudya chake, dzinova nyati.”

<sup>105</sup> Pandaiverenga kuTombstone, rimwe zuva, mu-mumiziyamu, ndokuona mifananidzo yaGeronimo. Uye vazhinji venyu munogona kufunga kuti Geronimo aiva mupanduki. Kwandiri, akanga ari wemuAmerica chaiye-chaiye. Aingorwira chete izvo zvainge zvakarurama, zvaakanga apihwa naMwari: nyika, nerudzi, nenzvimbo yekugara. Handimupe mhosva. Zvino varwi vachena vaye pavakapinda imomo uye, nechisimba, vakatora nyika, uye ndokuvauraya semhomho yenhunzi. Uye paiva nemufananidzo chaiwo wemuzinda mukuru wezvekurapa waGeronimo, kana kuti chipatara chake. Aive magumbeze 2 kana 3 pamusoro pechikwenzi che mesquite. Uye vemuAmerica chaivo, vechokwadi, maIndia, vakakuvaldza, vachirwira kodzero dzavo dzavakapihwa naMwari. Uye ipapo, Geronimo aine mwana wake pachake, pahudyu, amire ipapo akatarisa varwi vake, vachijuja ropa, vachifa, vasina penicillin kana chimwe chinhu, pasina nzira yekuvabatsira nayo; vemuAmerica chaivo, vakapihwa naMwari! Zvino momuti mupanduki? Ini ndinomuti murume kwaye.

<sup>106</sup> Cochise angadai asina kusarenda. Akanga ari murume akwegura. Asi Mauto emuAmerica, vose vakanyatsopfeka imomo, zvino vakaenda kunze ikoko uye vaiuraya nyati. Vaiita nzendo dzekungonakidza havo kunze ikoko, Sharpe ndokugadzira pfuti inouraya nyati, saka vaienda kunze ikoko uye voti, “Oo, ndava nezuva rakanaka nhasi,” vachipfura, vari parutivi rwengo—ngoro, kana ngoro inotakura vanhu. Voti, “Ndauraya 40 nhasi.” Nyati 40, idzo dzingadai dzakachengeta rudzi rwese rwemaIndia, makore 2 kana kudarika. Vakaitei nadzo? Vakadzisiya dzakati kata-kata mugwenga imomo. Mitumbi yadzo yekare yakamwararika nenyika, ndokunhuwisa nyika, makava akadya hawo.

<sup>107</sup> MuIndia paaiuraya nyati, paiva nemutambo wechinamoto. Aitora mahwanda ayo, oachengeta kuti agadzire mapani. Nyama yayo vaidya, kunyange nyama yezvemukati. Vaitora nyama yayo yese voisasika nekuomesa. Dehwe rayo raiomeswa, uye vaigadzira zvipfeko namatende. Pakanga pasina kana chinhu...

<sup>108</sup> Asi, pakapinda munhu wechichena, mupanduki chaise munhu wechichena. Ndiye mambara iyeye. Zvino akauya ndokuuraya dzose nyati idzodzo, ndokuita kuti maIndia iwayo aziye nenzara.

<sup>109</sup> Chero munhu upi zvake wechokwadi anotorwira kodzero dzake dzaakapihwa naMwari. Igwapa pamureza weAmerica, zvavakaita kumuIndia wemuAmerica. Asi chaizvo, yaiva yake.

<sup>110</sup> Mungafungei kana Japa-... Japan, kana—kana imwe, Russia ikauya, uye yoti, “Budai muno! Ibvai kubva muno,” uye—uye votiita isu nevana vedu sezvatakaita maIndia iwayo? Asi, rangarirai, takadyara, saka zvino tichakohwa. Ndiwo murairo waMwari, munoziva. Pane nguva yekudyara, uyezve nguva yekukohwa. Ndinofunga kuti zvakaipisia. Hongu, changamire.

<sup>111</sup> Zvino chii chakaitika? Mbeu yakasvibiswa yaAdhamu yasvibisa nekuparadza nyika zvachose. Munoziva here kuti Bhaibheri rinotaura izvozvo? Uye nekuti akaita izvi, mbeu yakasvibiswa yaAdhamu, Mwari vachavaparadza. Munoda here kuverenga izvozvo? Ngationei. Ndinazvo zvakanyorwa pasi apa. Vhurai kuna Zvakazarurwa, chitsauko 11, zvino tigoona. Endai muna Zvakazarurwa, chitsauko 11, uye tichaona zvakataurwa naMwari pamusoro peavo vari kuparadza nyika. Chitsauko 11, uye ngatitorei ndima 18, ndinotenda kuti ndiyo, 11:18. Heyoka iyo.

*Zvino marudzi akatsamiwa, nehasha dzenyu dzakasvika* (zvino tarirai hasha dzaMwari), *nenguva yavakafa, yekuti vagotongwa, uye kuti mupe varanda venyu vaporofita mubayiro, nekuvatsvene, uye kuna ivo vanotya zita renyu, vose vaduku navakuru; uye kuti muparadze—paradze avo vanoparadza nyika.*

<sup>112</sup> Vari kuzoita sei? Kukohwa zvavakadyara. Chokwadi. Pamunoona chivi chichimhanya mumigwagwa! Hungani, manheru eSvondo ino, hupombwe hungani huchaitwa muguta rino manheru ano? Vangani madzimai achatyora mhiko yavo yemuchato, mugomba diki rino riri panzvimbo ino, inonzi Jeffersonville? Inyaya ngani dzekubvisa pamuviri dzamunofunga dzakanyorwa pasi muChicago, mumazuva 30? Dziri pakati pe 25,000 ne 30,000 pamwedzi, kunze kweidzo dzisingamhan’arwe. Ihwiski yakawanda zvakadii inonwiwa muguta reChicago? Munofunga kuti chii chinoitika muLos Angeles muhusiku humwe chete? Kangani Zita raShe parashandiswa zvisina maturo, muguta reJeffersonville nhasi? Zviri nani iye zvino here, kana kuti zvainge zviri nani paya George Rogers Clark paakauya ari paigwa rematanda? Munoonaa, takanyatsosvibisa nyika netsvina yedu, uye Mwari vachaparadza avo vanoparadza nyika. Mwari vakataura kudaro.

<sup>113</sup> Ndakagara ndichifunga kuti pane chimwe chinhu pakadzika mandiri, chinofarira kukwira mumakomo ndotarisa nenzira iyo Mwari vakaigadzira nayo.

<sup>114</sup> Ndinovenga, Florida, uko kwavakaisa miti yemichindwe yokugadzira. Uye, oo, ini zvangu, ndingasva hangu ndaona makarwe richitambisa muswe waro, seri murenje, pane kuona

zvese izvi ikoko zvenhema nezvinhu zvavanoita muHollywood, nezvoze izvo zvinoyevedza, neboka rezvidhakwa. Uye, oo, ini zvangu, ndinongofunga kuti, “Rimwe zuva! Rimwe zuva!” Hongu.

<sup>115</sup> Asi, rangarirai, Bhaibheri rakatiudza, muna Mateo chitsauko 5, kuti, “Vanyoro ndivo vachagara nhaka yenyika.” Ndizvozvo chaizvo. “Vanyoro nevakanimipa vachagara nhaka yenyika.” Jesu akati, “Vakaropafadzwa vanyoro,” avo vari nyore vasingaedze kuva chimwe chinhu chikuru-kuru, “vachagara nhaka yenyika.” Jesu akataura kudaro. Hongu. Zvino vakaisvibisa, uye Mwari vachavaparadza; asi vanyoro vachagara nhaka yenyika, mushure mekunge yacheneswa.

<sup>116</sup> Zvino, oo, ini zvangu! Zvino, gwaro remvumo kunhaka rakarasika zvino rava mumaoko eMuridzi waro wepamavambo, Mwari Samasimba. Gwaro remvumo kunhaka yenyika, nekuHupenyu Husingaperi, Adhamu paakarasikirwa naro; zvino maoko aSatani akasviba haaigona kuritora, saka rakadzokera kuMuridzi waro wepamavambo, Mwari pachaVo. Tiri kuzozviwana, muchinguvana. Havoka Vagere paChigaro chehushe, naro muruoko rwaVo, gwaro remvumo kunhaka. Oo, zvinondiita kuti ndinzwe manyukunyuku ekunamata. Gwaro remvumo kunhaka kuHupenyu Husingaperi, gwaro risina chipomerwa remvumo kunhaka yeHupenyu Husingaperi, Adhamu paakarasikirwa naro nekuda kwehuchenjeri, panzvimbo yekutenda, rakadzokera mumaoko eMuridzi waro, Mwari Samasimba. Chinhu chikuru zvakadii!

<sup>117</sup> Zvakanaka, rakamirira. Riri kuita sei? Riri Mumaoko aMwari, rakamirira kutorwa kwezvakadzikingurwa. Vakagadzira nzira yerudzikinguro, Vakagadzira nzira yekudzokera nayo, uye rimwe zuva Mudzikinguri achaitorazve. Munoono kwatave kusvika zvino? Tichatarisa Muchinda uyu agere paChigaro chehushe. Zvakanaka, rakamirira kutorwa kwezvakadzikingurwa, ruzdzinguro rwayo.

<sup>118</sup> Ko Bhuku iri reRudzikinguro chii, iri gwaro remvumo kunhaka, gwaro risina chipomerwa remvumo kunhaka? “Unoti, ‘risina chipomwerwa?’” Kushairwa chipomerwa zvinorevei? Zvinoreva kuti rakaferetewa nzira yese kudzokera parakatangira. Sekadiki kaya—sekadiki kaya kadonwe keingi mangwanani ano, kana kangopinda mujiki iyoyo, kanobva kaenda nzira yose kudzokera kumashure. Uye kana chivi chareururwa uye chawira muRopa rajesu Kristu, oo, ini zvangu, zvinounza kushairwa chipomerwa, kudzokera chaiko kuMusiki zvakare. Unobva wava mwanakomana waMwari. Gwaro risina chipomwerwa remvumo kunhaka rakabatwa mumaoko aSamasimba. Oo, ini zvangu!

<sup>119</sup> Kudzikingurwa kwaro kunoreva kuva muridzi zviripamutemo kune zvose zvakaraswa naAdhamu naEvha. Oo,

ini zvangu! [Hama Branham vanoombera maoko avo kamwe chete.] Zvinofanira kuitei kuMukristu akazvarwa patsva! Kuva muridzi zviri pamutemo kugwaro risina chipomwerwa remvumo kunhaka iri, gwaro remvumo kunhaka reHupenyu Husingaperi, zvinoreva kuti uri muridzi wezvose izvo Adhamu naEvha vakarasikirwa nazvo. Fiyuu! Pakadii apo, hama? Kuva negwaro remvumo kunhaka iroro!

<sup>120</sup> Adhamu aisakwanisa kuzadzisa zvaidiwa parudzikinuro. Mushure mekunge aona kuti arasikirwa naro, akanga atadza uye akanga azvipatsanura kubva kuna Mwari, ari kurutivi *rwuno rwemukaha*, saka akanga asingakwanise kuridzikinura. Aisatongokwanisa kuzviita, nekuti iye—iye aida rudzikinuro, iye pachake, saka aisakwanisa kuzviita.

<sup>121</sup> Asi murairo waida Mudzikinuri weHama. Murairo waMwari waida Mudzikinuri weHama. Uchida kuzvinyora pasi, “Mudzikinuri weHama,” unoziwana muna Revhitiko 25.

<sup>122</sup> Hatina nguva yekunyatsozvironda zvakakwana, nekuti, munoziva, chinyorwa chega—chega chinotora hu—husiku humwe. Maona?

<sup>123</sup> Asi murairo waMwari wakagamuchira chinotsiva. Zvino, ko dai Mwari vakanga vasina kuda kutora chinotsiva? Asi rudo rwakaVamanikidzira kuti vazviite. Kuti, munhu akanga asina nzira yekuti adzoke nayo, uye hapana nzira yekuti adzoke nayo. Akanga aparara. Asi nyasha dzaMwari dzakasangana neMudzikinuri weHama uyu muna Jesu Kristu Pauzima. Murairo waida izvozvo. Nyasha dzakaita zvaidiwa zvacho. Oo, nyasha dzinoshamisa, ruzha rwunotapira zvikuru! Murairo waMwari waida chinotsiva chisina mhosva.

<sup>124</sup> Zvino ndiani akanga asina mhosva? Munhu wese akanga aberekwa nebonde, kusangana kwepabonde, munhu wese. Zvino mumwe chete uyo akanga asina kudaro, akanga arasikirwa nekodzero kuHupenyu Husingaperi uye nekuva ari mambo wepanyika yose.

<sup>125</sup> Oo, kana ndikafunga nezveRugwaro rwuya, “Nokuti Makatidzikinura kuti tidzokere kuna Mwari, uye tigotonga uye tive madzimambo nevaprisia panyika.” Oo, ini zvangu! Chii? Iye Mudzikinuri weHama! Oo, inyaya yakadini yatingava nayo pano!

<sup>126</sup> Cherechedzai, murairo waida Mudzikinuri weHama kudzikinura chakarasika. Nyasha dzakazadzisa chaidiwa ichi muna Jesu Kristu Pauzima. Hama inofanira kuzvarwa nerudzi rwevanhu.

<sup>127</sup> Zvino, tingazova sei, kana munhu wose anozvarwa achifanira ku...Uye ani naani anotadza kuona kuti chaise chiitiko chekusangana kwepabonde ipapo, zvinoka, ibofu zvachose, munoona, nekuti munhu wese akaberekwa nemudzimai.

<sup>128</sup> Uye Mwari vaida Mudzikinuri weHama, uye Anofanira kunge ari munhu. Oo, ini zvangu! Muri kuzoita sei zvino? Murairo waida Mudzikinuri weHama.

<sup>129</sup> Zvino, haVaigona kutora Ngirozi. Vaifanira kuva nemunhu, nekuti hatisi hama kuNgirozi. Isu tiri hama mumwe kune nemumwe. Ngirozi haina kumbobvira yakawa. Imhando yechipenyu chakasiyana, ine mutumbi wakatosiyana. Haina kumbotadza kana chimwe chinhu. Yakatosiyana.

Asi murairo waida Mudzikinuri weHama.

<sup>130</sup> Zvino munhu wese panyika akaberekwa nekusangana kwepabonde. Zvino, hamuone here, ndiko kwazvakabva nako. Ndipo pakatangira chivi. Saka munoona pazvave zvino? Hoyo achiuya, mbeu yenyu yenyoka, ichipinda. Maona?

<sup>131</sup> Zvino, cherechedzai, zvaida Mudzikinuri weHama. Uye Mudzikinuri, Mudzikinuri weHama, anofanira kuzvarwa nerudzi rwevanhu. Pano, zvinotisiya tiri pakaoma. Asi regai ndikuridzirei Hwamanda. Kuberekwa nemhandara kwakabuditsa chi—chinhu chacho. Ameni. Kuberekwa nemhandara kwakabuditsa Mudzikinuri wedu weHama. Asiri mumwe kunze kwaMwari Samasimba vakazova Emanueri, mumwe wedu. Emanueri! “Mudzikinuri wehama” akapihwa. Munoona kuti Mwari anoita sei chinodikanwa, uye hapana chatinogona kuita. Asi zvino nyasha dzinopinda dzovhardzira murairo iwoyo, dzoburitsa chinhu chacho. Ameni!

<sup>132</sup> Oo, kana masvika mhiri Kumusha! Kana ndawana kamba kangu kadiki kemapango zasi ikoko; ako kanoimbwa nezvako neHama Neville. Mose pamunonzwa chimwe chinhu zasi ikoko, mamwe mangwanani, chichiimba, “Nyasha dzinoshamisa! Ruzha runotapira zvakadini, dzakaponesa murombo akaita seni!” Ibvai mati, “Mwari ngavarumbidzwe! Hama Branham vekare vakabudirira. Havoka avo, munoona.” Hongu.

Oo, inyasha dzakadzidzisa moyo wangu kutya,  
 Dzaiva nyasha dzakabvisa kutya kwangu;  
 Dzaive dzakakosha zvakadini nyasha idzi  
 padzakaoneka  
 Panguva yandakatenda kutanga!

<sup>133</sup> Mirai kusvikira tasvika kwazviri, munguva pfupi! Oo, ini zvangu! Zvino tarirai. Bhuku...

<sup>134</sup> Bhuku raRute rinopa mufananidzo wakaisvonaka wazvo, kuti Bhoazi... Zvino Naomi akanga arasikirwa nepfuma yake. Imi, munoziva. Makandinzwa ndichiparidza pamusoro pazvo, hamuna here? Simudzai maoko enyu mudenga kana makanzwa ndichizviparidza. Saka, munonzvisisa, munoona. Bhoazi akatozova mudzikinuri. Uye ndiye ega aigona. Aifanira kunge ari hama, hama yepedyo. Uye, mukudzikinura Naomi, akawana Rute. Aiva Jesu, Bhoazi achifananidzira Kristu. Zvino paAkadzikinura Israeri, Akawana Mwenga weMarudzi. Saka

zvino, munoona, zvakanakisa kwazvo! Tinazvo patepi, ndine chokwadi, pano pane imwe nzvimbo, kana mungada kuva nayo.

<sup>135</sup> Zvino cherechedzai, zvino, Anofanira kunge ari Hama. Saka, munoona, Ngirozi yaisakwanisa kuzviita. Munhuwo zvake aisakwanisa kuzviita; anofanira kunge ari munhu, asi haakwanise kuzvarwa nemukadzi, chiitiko chekusangana pabonde. Saka, kuberekwa nemhandara, Mweya Mutsvene wakafukidzira Maria. Nokudaro, Jesu akanga asiri muJudha. Jesu akanga asiri Murudzi. Jesu akanga ari Mwari. Ndizvo chaizvo. Ropa rake harina kubva pane chero kusangana kwepabonde. Akanga ari Ropa dzvene, rakasikwa raMwari. Uye isu hatina kuponeswa neropa rechiJudha, zvakare hatina kuponeswa neropa reMarudzi. "Takaponeswa neRopa raMwari." Ndizvo maringe neBhaibheri. Rinotaura kudaro. "Takaponeswa ne..."

<sup>136</sup> Saka, munoona, Jesu aiva Mwari. Akanga asiri Munhu wechi 3, Munhu wechi 4, Munhu wechi 2. Ndiye akanga ari Munhu wacho. Aiva Mwari, munoona. Aiva Mwari, Emanueri. Mwari vakaburuka kubva muKubwinya kwaVo, vakuzvizarura pachaVo. Ndinoda kwazvo nyaya iya, yaBooth-Clibborn, rwiyo rwuya rwukuru, rwakaisvonaka.

Akadzika kubva muKubwinya kwaKe, nyaya  
inorarama narinhi,  
Mwari naMuponesi wangu akauya, zvino Jesu  
ndiro rakanga riri Zita raKe.  
Akazvarirwa muchidzyiro chemhuka, kune  
vokwaKe akava mutorwa,  
Murume wekusuwa, misodzi nekurwadziwa.  
Oo, kuzvideredza kwakadini, kwakatiunzira  
rudzikinguro;  
Apo pakati pousiku, pasina kana tariro imwe  
zvayo inoonekwa;  
Mwari, vanokosha, vanyoro, vakaisa parutivi  
kubwinya kwaVo,  
Ndokuderera kuti vakwezve uye nekuponesa  
mweya wangu.  
O ndinoMuda zvakadini! NdinoMuyemura  
zvakadini!  
Kufema kwangu, mushana wangu, Zvose  
zvangu muna Zvose!  
Mudzikinguri mukuru akava Muponesi wangu,  
Musiki mukuru akava Muponesi wangu,  
Uye huzaro hwese hwaMwari hunogara maAri.

<sup>137</sup> Ndiye Wacho akazadzikisa zvaidiwa. Nyasha dzakabuditsa Jesu Kristu Pauzima. Uye tinoona, Bhuku iri zvino... Mwari vakatambanudza tende raVo, ndokubva kuva Mwari, nokuva Munhu. Vakashandura hunhu hwaVo, kubva kuva Samasimba,

kuti vave Munhu; kuti vatore chimiro chemunhu, kuitira kuti Vazofa, vadzikenure munhu. Mirai kusvikira taMuona, apo “pasina akakodzera.” Maona? Zvakanaka.

<sup>138</sup> MuBhaibheri, muBhuku raRute, pamunoriverenga, muchaona kuti, munhu akadaro ainzi “mudzikinuri,” m-u-d-z-i-k-i-n-u-r-i. Ainzi mudzikinuri, kana kuti, aive munhu aikwanisa kuzadzisa zvinodiwa zvacho. Zvino mudzikinuri anofanira kunge achigona kuzviita, anofanira kunge achida kuzviita, uye anofanira kunge ari hama, hama yepedyo, kuti azviite.

<sup>139</sup> Zvino Mwari, Musiki, weMweya, vakava hama kватiri paVakava munhu, kuitira kuti Vatore zvivi zvedu nokuzviisa paVari, uye vobhadhara muripo, zvino votidzikinura kudzokera kuna Mwari zvakare. Hezvoka izvo. Hoyoka Mudzikinuri wacho.

<sup>140</sup> Kristu akatidzikinura zvino. Tadzikinurwa zvino. Asi haAsati atora zviri zvaKe nazvino. Zvino, munogona kuplesana nazvo, asi imbomirai zvishoma, munoona. Tichaona. Maona? Haasati azvitora. Maona? Kana Akatora Bhuku reRudzikinuro, zvose zvaiva naAdhamu nezvose zvaakarasa, Kristu anozvidzikinura zvichidzoka. Uye Akatotidzikinura kare. Asi achigere kutora zviri zvake; haAgone kudaro kusvikira panguva yakatarwa. Zvino kunobva kwauya rumuko, uye zvakare nyika ichavandudzwa patsva zvakare. Zvino Anobva atora zviri zvake, zviri zvaKe zvaAkawana paAkatidzikinura, asi achazviita nenguva yakatarwa. Oo, ini zvangu!

<sup>141</sup> Izvi zvinotsanangurwa muBhuku reZvisimbiso Zvinomwe iri ratiri kutaura nezvaro zvino. Zvakanaka. Bhuku reRudzikinuro, zvose zvinotsanangurwa muno umu. Zvose zvichaitwa naKristu pamagumo zvichazarurwa kватiri vhiki rino, muZvisimbiso Zvinomwe, kana Mwari vakatitendera. Maona? Zvakanaka. Zvichazarurwa. Uye zvinozarurwa, Zvisimbiso pazvinoparurwa uye zvotupfunurwa kватiri, zvino tinogona kuona zviri chirongwa chikuru ichi cherudzikinuro, uye kuti rinh iye kuti zvichaitwa sei. Zvose zvakavigwa muBhuku iri rezvakavanzika pano. Rakasimbisa, rine Zvisimbiso Zvinomwe, nokudaro Gwayana ndiRo roga Rinokwanisa kuzviparura.

<sup>142</sup> Zvino... (Ndiregerereiwo.) Tinocherechedza...

<sup>143</sup> Zvino, kana muchida kutarisa muMagwaro, munogona kuenda muna Jeremia mugozviwana imomo. Paakanga ari—paakanga iye—iye achienda muhutapwa hwenyika, munoziva, iye—iye akatenga yasekuru vake... Mwanakomana wasekuru vake aive neimwe—imwe nzvimbo, uye akapfuura nemairi, achiisa chisimbiso. Uye kana tikazvitora zvose... Tinazvo zvakare muMazera Manomwe eKereke, izvo zvisimbiso nezvimwe zvakadaro, imomo.

<sup>144</sup> Munoona, chisimbiso, muTestamende Yekare, chaiita semupumburu, sezvizvi. [Hama Branham vanoshandisa

mapepa kuratidza kumonerwa, kusimbiswa, nekuvhurwa kwemupumburu—Mupepeti] Zvino *hechino* chaiva chakavanzika, zvino chakavanzika ichi chainge chakavanzwa. Zvakanaka, chainge chakasimbiswa nekuiswa apa, ndeche *nhingi-nhingi*. Zvino, chakavanzika chinotevera chaimonerwa paive nenhaka iyi, chonamirwa kunze uku kudivi *iri*, nde—nde—ndeche *nhingi-nhingi*. Uye zvoenderera mberi zvichidzika kusvika zvaita mupumburu, nekuti vanhu vakanga vasina mabhuku akaita *seaya* panguva iyoyo. Rainge rakamonwa, (vangani vanozviziva?) unonzi mupumburu. Zvinoka, mupumburu wakavharwa, waigona kusunungura chimwe *pano*, kuti chakavanzika cheyu chaive chii, wochisunungura, uye waigona kuona zvemuridzi wacho kuti zvaiva chii. Uye wobva wasunungura chimwe chacho, uye wogona kuona kuti zvemuridzi zvaiva chii.

<sup>145</sup> Uye nyaya yacho yose Pano Zvisimbiso Zvinomwe, zvine zvakavanzika zvaMwari kubva pamavambo enyika vzose zvakasimbiswa Imomo, uye zvichizarurwa neZvisimbiso 7 zvakasiyana, kuti, kana Mwari vachitendera, ngaVaite kuti tivhomore Zvisimbiso izvi totarisa nemuBhuku uye toona kuti ndeZvei. Maona? Oo, ndinovimba tichava nenguva yakanaka! Imomo chakavanzika cherudzikinuro chakasimbiswa kusvika... Bhuku *iri* haraikwanisa kuparurwa kusvikira paMharidzo yemutumwa wekupedzisira.

<sup>146</sup> Mupumburu uripo. Takaziva kuti Waivepo. Tinoziva kuti Waiva rudzikinuro. Takatenda kuti Rwaiva rudzikinuro. Jeremia akati, “Mupumburu uyu unofanira kuchengetwa...” Muchizviverenga ipapo, achadaro. Unofanira kuchengetwa mumudziyo wevhу. Maona? Oo, chinhу chakanaka sei chandaigona kutaura nezvacho, kwechinguva. Mupumburu uyu waichengetwa mumudziyo wevhу, mudziyo wakambova nyama (kubwinya!), ukafa, ukamukazve, ndokuchengetwa mumudziyo wevhу kusvikira panguva yekutengwa. Oo, ini zvangu! Zvakanakisa! Zvakanaka.

<sup>147</sup> Zvino, Mharidzo dzose idzi dzinochengetwa kusvikira, mudziyo wevhу uyu, kusvikira panguva yenguva yakatarwa naMwari, pamutumwa wekupedzisira panyika. Nezvose izvo vanhu ava vakanga vatonga pazviri, uye vakati, “Ndinoziva kuti Riripo. Ndinotenda kuti Riripo.” Uye vakaRirwisa, ndokuRiburitsa uye zvikaburitsa muchero wacho. Nokutenda vakaRitenda. Asi zvino Richaunzwa kватiri muchizaruro, uye kubva muruoko rwaMwari nekusimbiswa. Mwari vakataura kudaro. Vakazvivimbisa.

<sup>148</sup> Zvino, ngationei. Ndepapi, tanga tiri papi? Ngatiendei kundima 2 zvino. Inguva yakarebesa pavhesi 1, asi ngati—ngati—ngatitorei vhesi 2. Zvino, zvichida hatisi kuzotora nguva yakareba kudaro pane rinotevera *iri*.

*Zvino ndakaona mutumwa ane simba achidanidzira  
nezwi guru achiti, Ndianiko akafanira kuti azarure . . .  
bhuku, nekusunungura zvisimbiso zvaro?*

<sup>149</sup> Zvino, rangarirai. Ngativerengei vhesi 1 zvakare, kuti tizvibatanidze pamwe chete.

*...ndakaona muruoko rwerudyi rwaiye akanga agere  
pachigaro choushe . . .*

<sup>150</sup> Mwari! Ndiani uyu? Mubati weBhuku reHupenyu chaiye wepamavambo. VanoRibata. Mwari vanodaro. Adhamu paakarasikirwa, Rakadzokera kuMuridzi waRo wepamavambo. Nderavo.

*Zvino Johane (muchiratidzo) akatarisa kumusoro  
ndokuona muruoko rworudyi rwaiye akanga agere  
pachigaro choushe bhu—bhuku rakanyorwa mukati  
nokunze, rakasimbiswa nezvisimbiso 7.*

<sup>151</sup> Munona, mukati! Zvino, kana tave kuzoparura Zvisimbiso izvi, muchaona, Zvinodzokera kumashure chaiko muMagwaro, nzira yose kudzokera kumashure, kune chimwe nechimwe cheZvisimbiso izvozvo. Nyaya yacho yose, pamwe chete, chakavanzika chose ichi, chiri umu chaimo muZvisimbiso izvi. Maona? Chakavanzika chese chemuBhaibheri chiri muZvisimbiso izvi. Uye Zvisimbiso hazvigone kuparurwa kusvika panguva iyoyo. Ndichazviratidza pano, muchinguvana.

<sup>152</sup> Cherechedzai. Zvino, Bhuku, rangarirai, rakavharwa. Hechinoi chimwe, hechinoi Ichi, chisimbiso *ichi*. Zvino Chimwe chacho chinoputirwa, Chisimbiso. Chimwe chinoputirwa, Chisimbiso. Ibhuku reRudzikanuro. Uye chinhu chacho chose, pamwe chete, chinogadzira Bhuku, uye Rakasimbiswa neZvisimbiso Zvinomwe. Uye, zvakare, zviri kumashure, imhaka yekuti zvakasungwa. Chakavanzika cheChisimbiso chiri mukati. Uye Chinongoti, “Mutasvi webhiza jena,” kana, “Mutasvi webhiza dema,” nezvimbewo, kunze. Asi chakavanzika cheBhuku rose chiri muZvisimbiso izvi, kubva kuna Genesi kusvika kuna Zvakazarurwa. Hurongwa hwese hwerudzikanuro hunozarurwa muZvisimbiso Zvinomwe izvi. Oo, inguva inokosha. Mwari vatibatsire kuti tiZvibate! Maona?

<sup>153</sup> Zvino, “Zvino ngirozi ine simba . . .” Zvino vhesi 2.

*...mutumwa ane simba, nenzwi guru, achiti,  
Ndianiko akafanira . . . (Akafanira chii?) Ndiani  
akafanira kutora bhuku iri, . . .*

<sup>154</sup> Zvino tinoona. Bhuku riripi zvino? KuMuridzi waRo wepamavambo, nekuti Rakaraswa nemwanakomana, mwanakomana wekutanga waMwari, murudzi rwevanhu. Zvino paakarasikirwa nekodzero dzake, kuti ateerere Satani, akasiya . . . Akaitei? Akagamuchira huchenjeri hwaSatani panzvimbo yeShoko raMwari. Zvino, hatingamire pano here

kwechinguvana! Vanakomana vaMwari vachatora pfungwa yekuseminari pamusoro paZvo, panzvimbio yeShoko raMwari. Munoona, zvimwe chete zvakaitwa naAdhamu, akarasikirwa nekodzero dzake. Uye pazvakadaro, rakananga ndokudzokera kwarakabva. Hamukwanise kuona here kwaive nemazera iwayo? Maona? Rakangodzokera chaiko kumubati wepamavambo.

<sup>155</sup> Uye Johane, ari muMweya, akamira kumusoro kuno Kudenga. Achangosimudzwa zvino, kubva mumazera echechi, munoona, akaona mazera echechi. Nokubva atorwa kumusoro, muchitsauko 4. Akati, “Kwira kumusoro. Ndiri kuzokuratidza zvinhu zvichauya.”

<sup>156</sup> Zvino akaona Mumwe agere paChigaro cheushe, ane Bhuku riri muruoko rwaKe, muruoko rwaKe rworudyi. Pafungei, zvino. Uye, zvino, muBhuku iri maiva negwaro remvumo kunhaka yerudzikinguro, uye Rainge rakasimbisa neZvisimbiso Zvinomwe.

<sup>157</sup> Ndokubva Mutumwa abuda, Mutumwa ane simba, achidanidzira nenzwi guru, “Ndiani aikodzera kuzarura Bhuku; kutora Bhuku? Ndiani aikwanisa kuzarura Zvisimbiso? Ndiani aikwanisa kuzarura Bhuku iri?” Munoona, Mutumwa akazvibunza. Johane akazviona. Uye Akati, “Zvino, ndiani akakodzera? Regai iYe...” Oo, ini zvangu! Pamwe ndiri kungonzwa hangu kudai, nenzira iyi. “Asi regai iYe,” Mutumwa akadaro, “regai iYe...” *Herino* Bhuku reRudzikinguro! *Herino* zano rerudzikinguro! *Heino* nzira bedzi yauchazombodzikingurwa nayo, nekuti *herino* gwaro remvumo kunhaka yerudzikinguro rwematenge ese nenyika! “NgaAuye kumberi, kana Achida.” Oo, ini zvangu! “Zvino ngaataure, kana kuti Anyarare hake nekusingaperi. Ngaauye mberi atore Bhuku iri. Ndiani akakodzera kuzviita?”

<sup>158</sup> Zvino Johane akati:

Kwakanga *kusina munhu kudenga* akawanikwa akakodzera; hapana *munhu panyika* akawanikwa akakodzera; hapana *munhu pasi penyika*, akamborarama uye akafa, akawanikwa akakodzera. Hapana *munhu akawanikwa akakodzera*.

<sup>159</sup> Kudanidzira kweMutumwa kwaiva kudanidzira kwekuti Mudzikinguri weHama aoneke. Mwari vakati, “Ndine murairo; Mudzikinguri weHama anogona—anogona kuva chinotsiva. Aripi Mudzikinguri weHama iyeye? Ndiani anogona kuRitora?”

<sup>160</sup> Uye zvakabva kuna Adhamu, nzira yose kudzika nemuvaapostora vose, nevaporofita, nezvinhu zvose, uye hapana akawanikwa. Zvino, pakadii apo? “Hapana munhu Kudenga, hapana panyika, hapana kune akamborarama.” Eria akanga akamira ipapo. Mosesi akanga akamira ipapo. Vaapostora vese vakanga vakamira ipapo, kana—kana kuti vose vakanga vafa; varume vose vatsvene, Jobho, vachenjeri. Munhu

wese ainge akamira ipapo, uye hapana akanga akakodzera kunyange kutarisa Bhuku racho, ndoda kuzoRitora nokuparura Zvisimbiso zvacho.

<sup>161</sup> Zvino papa uye navose ava vanopinda papi? Bhishopi wenyu aripi? Kukodzera kwedu kuripi? Hatisi chinhu. Ndizvozvo chaizvo.

<sup>162</sup> Akakumbira Mudzikinuri weHama kuti auye kumberi, kana Aikwanisa. Asi Johane akati, “Hapana munhu akanga akakodzera.”

<sup>163</sup> Kwete kuti pakanga pasina vanhu vakakodzera ipapo, zvino, seNgirozi; sekuti, semuenzaniso, tingati, Gabrieri, kana Mikaeri. Asi, rangarirai, inofanira kunge iri Hama. Rangarirai, Johane akati pano, “Uye hakuna m-u-n-h-u,” kwete Ngirozi, kwete Serafimi. Izvi zvakanga zvisina kutadza, asi Zvaiva muboka rakasiyana. Hazvina kumbenge zvakawa.

<sup>164</sup> Asi uyu aifanira kuva ari Mudzikinuri weHama. “Hapana munhu,” nokuti pakanga pasina mumwe wavo akadzikinurwa. “Hapana munhu aikodzera kuRitarisa.” Oo, kwete! Ini zvangu, ini zvangu! Saka, zvakatora Hama iri munhu. Uye akazvibvunza, zvino haAna kuwanikwa, kana kupi zvako. Pakanga pasina munhu. Pasina bhishopi, pasina achibhishopi, pasina muprisita, pasina vemuzvinzwimbo zvehukuru, pasina kana chaitombove...vakanga vasina kana hutsvene hwakakwana hwekuti vatombatarisa paBhuku. Fiyuu! Ini zvangu, ini zvangu! Zvakasimba kwazvo, asi ndizvo zvakataurwa neBhaibheri. Ndiri kungotaura zvakataurwa naJohane.

Bhaibheri rakataura kuti Johane “akachema.”

<sup>165</sup> Kwete sezvakadzidziswa navamwe vanhu. Ndakanga ndichinzwa mumwe murume achizvidzidzisa izvi imwe nguva, akati, “Johane akachema nekuda kwekuti akazviwana asina kukodzera.” Oh! Chero munhu ari pasi peMweya Mutsvene aizoziva zvakasiyana naizvozvo, munoonaa; pasi pekufermera kwalmwari, aizoziva zvakasiyana naizvozvo.

<sup>166</sup> Asi, Johane “akachema.” Hezvinoi zvandinofunga kuti sei akachema. Nokuti, kana painge pasina akakodzera uye aigona kuzarura Bhuku reRudzikinuro iri, zvisikwa zvose zvainge zvarasika.

<sup>167</sup> *Herino* Bhuku, *herino* gwaro remvumo kunhaka, uye Richapihwa kuMudzikinuri weHama anokwanisa kuzadzikisa zvinodiwa. Ndiwo murairo waMwari pachaVo, uye haVakanise kusvibisa murairo waVo, havakwanise kuplesana nemurairo waVo, waro. Maona? Mwari vaida Mudzikinuri weHama Ainge akakodzera, Aikwanisa kuzviita, Aiva nezvikwanisiro zvacho zvekuzviita.

<sup>168</sup> Mutumwa ndokuti, “Zvino regai Mudzinkinuri weHama uyu auye mberi.”

<sup>169</sup> Johane ndokutarira. Uye akatarisa kwese pasi rose. Akatarisa pasi penyika. Zvino pakanga pasina munhu. Ikoko, zvisikwa nezvose zvainge zvarasika. Chokwadi, Johane akachema. Zvese zvainge zvarasika.

<sup>170</sup> Kuchema kwake kwakangove kwechinguvana, hazvo. Pakabva pamira 1 wevakuru, akati, “Usachema hako, Johane.” Oo, ini zvangu! Akangochema kwemineti imwe chete bedzi.

<sup>171</sup> Johane akafunga, “Oo, ini zvangu, Munhu wacho aripi? Hapo pamire vaporofita; vakazvarwa sezvandakaitwa. Hapo pamire vachenjeri. Hapo pamire... Oo, hapana here munhu pano?”

<sup>172</sup> “Ndinoda Munhu anokwanisa kuzviita. Ndinoda Munhu anogona kudzikinura.”

<sup>173</sup> Zvino haana kuwanikwa, saka Johane akachema. Oo, zvinhu zvose zvainge zvarasika; zvino akachema zvikuru. Uye iye—iye akanga akasuwa, nekuti zvinhu zvose, zvisikwa zvose, zvose zvainge zvaparara, kana vasina kuwana munhu. Mwari ngavarumbidzwe! Kana vakatadza kuwana munhu anogona kuzadzisa zvinodiwa izvozvo, ikoko... munhu wose, nenyika yose nezvisikwa, zvainge zvaparara. Oo, zvinhu zvose zvainge zvawa. Ko—ko—kodzero dzerudzikinguro, kodzero dze—dzeHupenyu Husingaperi, Chiedza, kodzero dzose idzi dzainge dzarasika, zvino kwakanga kusina munhu aigona kuripa mubhadharo. Zvino Johane anotanga kuchema, nekuti hapana aikodzera, uye hapana aigona kana kutarisa kuBhuku. Oo, zvaitorera munhu. Johane akachema, nekuti hapana aigona kuzviita, uye zvose zvainge zvakarasika.

<sup>174</sup> Zvino kwakauya izwi kubva kune mumwe wevakuru, akanga amire pakati peZvipuka 4 nehondo huru yose iyoyo yeKudenga, akati, “Usachema, Johane.” Oo, ini zvangu!

<sup>175</sup> Nyasha dzaMwari!

<sup>176</sup> “Usaodzwa moyo, Johane. Usachema. Nekuti Shumba yerudzi rwaJudha, Mudzi neMwana unobva kuna Dhavhidhi, Yakunda.”

<sup>177</sup> *Kukunda* zvinoreva “kuita mutsimba, nekukurira.” Oo, ini zvangu! Bindu reGetsemane, Ropa paraidonha kubva pachiso chaKe, Akanga ari kukunda. Maona? Fiyuu! Maona?

<sup>178</sup> “Shumba, uye neMudzi waDhavhidhi, yakunda, yakurira.”

<sup>179</sup> SaJakobho, ari gweregwere. Zvino paakasangana neMutumwa, akabatirira. Uye Mutumwa akaedza kupukunyuka. Akati, “Ini—ini handisi kuzongokuregai Muchienda.” Akaramba akabatirira kusvikira awana zvaaida. Uye zita rake rikashandurwa, kubva pakunzi *gweregwere*, zvinoreva “munyengeri.” Kuva chii? Kuva “muchinda naMwari,” *Israeri*. Akakunda.

<sup>180</sup> Zvino Shumba iyi yerudzi rwaJudha yakakunda. Akati, “Usachema, Johane. Nokuti Shumba yerudzi rwaJudha, Mudzi waDhavhidhi, yakakunda. Akatokunda kare. Akazviita. Zvapera, Johane.” Fiyuu! Oo, oo, ini zvangu! Akabudisa jiki inotumira chivi chichidzokera zvakare kumaoko ane mazigirizi ayo...nehuchenjeri hwake, zvakamusvibisa, iye munhu. Hongu.

<sup>181</sup> Asi Johane akati atendeuka kuti atarise, akaona Gwayana. Rakasiyana sei neShumba! Akati, “Shumba yakunda.” Munoono, zvakare, ndinogona kuzvishandisa ipapo, Mwari vachizvivanza muhunyoro. Akati, “Heyo Shumba.” Ndiye mambo wemhuka. “Shumba yakunda.” Chinhu chakasimba kudarika zvose chiripo ishumba.

<sup>182</sup> Ndakarara kunze mumasango muAfrica, uye ndikanzwa fu—furiramudenga dzichirira. Uye—uye nenzou huru, ine simba, yakaisa murewo wayo mudenga ichiti, “Hwii, hwii, hwii.” Nekunzwa mhu—mhu—mhumhi dzemugwenga dzichiita machemero adzo, anovhundutsa zvinotyisa. Uye zvi—zvipembenene, kusvikira... Zvino Billy Paul nenitakarara pane kamwe kanzvimbokekare kakasoswa neminzwa. Ndokunzwa, kubva kure-kure, shumba ichidzvova, zvino zvinhu zvose zviri mugwenga ndokunyarara. Kunyang zvipembenene zvinomira kurira. Mambo vataura. Oo, oo, oo, ini zvangu!

<sup>183</sup> Ndinokutaurai, ndipo apo masangano nekupokana zvinowira pasi. Zvinhu zvose zvinonyarara kana Mambo vataura. Zvino *Uyu* ndiye Mambo, ndiro iShoko raKe. Oo!

<sup>184</sup> Akati, “Johane, usanetseka. Usachema. Usavhiringika, Johane. Ndinewe pano muchiratidzo; Ndiri kukuratidza chimwe chinhu. Uye ndinoziva kuti uri kushushikana kwazvo, nokuti, unoziva, hapana chingadzikinurwa, zvose zvaparara; hapana aikwanisa kuzadzisa zvinodiwa zvacho. Asi Shumba yerudzi rwaJudha...”

<sup>185</sup> Munoziva, Judha... Takava nazvo, uye pabhodhi dema pano, munoziva. Chiratidzo, cherudzi rwaJudha, chaiva shumba.

<sup>186</sup> Munorangarira, shumba, ne—nenzombe, ne...nezvimwe zvakadaro, musoro wemunhu, nezvimwe zvakadaro. Uye ivo vakatarisa, maSerafimi aya, Shoko iroro; apo vose, Marko, Mateo, Ruka, naJohane, vose vakamira vakatenderedza Bhuku raMabasa.

<sup>187</sup> Zvino ndakanzwa mumwe murume achiti, mushumiri mukuru, akati, “Bhuku raMabasa rinongova zvekushandisa pakuvamba kuvaka.”

<sup>188</sup> Raiva Dzinde rekutanga iro rakabuditswa neChechi tsvene. Uh-huh! Hongu, changamire. Uye Ikazobuditsa rimwe, richange riri remhando iyoyo, zvakare. Hongu, changamire! Une madzinde akajomekerwa, uye ari kubereka maremani. Anofanira kunge ari maranjisi. Asi...Maona? Kana Dzinde

iroro—Dzinde iroro rikazombobuditsa bazi raRo zvakare, Richange rakangofanana chaizvo nerepamavambo.

<sup>189</sup> Uye Mateo, Marko, Ruka, naJohane, Evhangeri idzodzo dzakamira ipapo dzakaRinda. Huchenjeri hwemunhu; simba reshumba; basa renzombe; uye kamumhanyiro kembada...kana kuti chapungu, waro. Hongu, Evhangeri dzakamira ipapo! Chii? Munorangarira here patakava nazvo? [Ungano inoti, "Ameni."—Mupepeti] Zviri mu*Mazera Manomwe eKereke*.

Zvino akati, "Shumba yerudzi rwaJudha."

<sup>190</sup> Sei kubva munaJudha? "O Judha, mupi wemurairo haangafambi pamberi pawo, pakati pamabvi ake, kusvikira Shiro yauya. Asi Achauya kubudikidza naJudha."

<sup>191</sup> "Uye Shumba, chiratidzo cherudzi rwaJudha, yakakunda. Yakakurira."

<sup>192</sup> Zvino paakaringa-ringa kuti aone pakanga pane Shumba iya, akaona Gwayana. Zvinoshamisa, akatarisira kuti aone Shumba ndokuona Gwayana. Mukuru uya akaRidaidza kuti Shumba. Asi Johane akati atarira, akaona Gwayana, "Gwayana seRakabaiwa kubva pamavambo enyika." Gwayana rakange rauraiwa. Chaiva chii? Gwayana iroro raiva chii? Raiva rizere neropa, rakakuvadzwa. "Gwayana rakanga rauraiwa, asi rakanga rava kurarama zvakare." Uye Raiva rizere neropa. Oo, ini zvangu!

Ko mungaRitarisa sei, hama, woramba uri mutadzi?

<sup>193</sup> Gwayana rakasimuka. Mukuru akati, "Shumba yakunda, Shumba yerudzi rwaJudha." Zvino Johane akatarisa kuti aone Shumba, zvino hezvo ndokuyya Gwayana, richibvunda, Riine Ropa pariri, maronda. Rakanga rakunda. Waigona kuona kuti Rainge rambopinda muhondo. Rakanga rakauraiwa, asi rakanga rava benyu zvakare.

<sup>194</sup> Johane akanga asina kumbocherechedza Gwayana iri kumashure, munoziva, pano. Rakanga risina kumbotaurwa nezvaro kumashure. Hapana paRakanga rambotaurwa nezvaro. Johane haana kuRiona, kuMatenga kwose, paaitarisa. Asi heroka Richiuya.

<sup>195</sup> Cherechedzai kwaRakabva. Rakabva kupi? Rakabva paChigaro chaBaba cheushe, paRakanga rigere kubva zvaRakauraiwa rikamuka zvakare. "Rakasimuka ndokunogara kuruoko rwerudyi rwaMwari, richirarama nekusingaperi richireverera." Ameni. Rakasimuka ipapo, nhasi, seMureverer, neRopa raRo pachaRo, kuti rireverere pakusaziva kwevanhu. Zvino, ndiRo randiri kuvimba naro. Rakanga richiri rakafukidza nejiki, jiki yekuregererwa kwechivi.

<sup>196</sup> Johane akatarisa Gwayana iroro, uye Gwayana raitaridzika serakanga Rabaiwa. Ndokubva acherechedza kuti Rakanga rakakuvara, nekuchekwa, nekukuvadzwa, uye richibuda

ropa. Gwayana rizere neropa, ndiro rakatora nzvimbo yedu. Hazvishamise here, Gwayana riri muhunyoro ndiro rakatora nzvimbo yedu? Zvino akaona Gwayana. Rakabuda ndokuenda mberi.

<sup>197</sup> Johane akanga asina kumboRiona, nekuti Rakanga riri kuseri-seri uko muna Ziyendanakuenda, kunyangwe richitoreverera; nekuratidza kuti avo vaive vauya kuna Mwari, vari pasi pechibayiro cheropa renzombe, rembudzi, chipiriso chinotsiva, iYewo zvakare...Nokuti, avo vakazvitenda, vakanongedzera kwaRiri. Zvino Ropa rakanga risati radeurwa nazvino, saka Akanga aripo kuti avachenese. Akanga aripo kuti achenese iwe nenii.

<sup>198</sup> Uye, O Mwari, ndinovimba kuti Ariko manheru ano. Kuitira mutadzi wese, Gwayana rakauraiwa. Ko Jehovha vangagoona sei chimwe chinhu kunze kweGwayana iroro rine ropa rimirepo!

<sup>199</sup> Zvino Gwayana rakabuda richienda muchiratidzo zvino, sezvo Rakanga rabayiwa. Cherechedzai, rakabva paChigaro chaBaba. Oo, pafungei! Iro, Rakauya richibvepi, kuuya muchiratidzo ichi? Rakabva muKubwinya, uko kwaRigere kuruoko rwerudyi rwaMwari. Rakauya mberi, kuna Johane, richibva muKubwinya.

<sup>200</sup> Oo, hachingava chinhu chinobwinya here kana pfungwa dzedu dzevvivi, manheru ano, dzaigona kuiswa parutivi kwenguva yakareba zvakakwana kuMugamuchira, uye Aizouya nzira yose kubva muKubwinya, manheru ano, kuti Azvizivise kuna chero ani zvake wenyu!

<sup>201</sup> Gwayana richiuya kubva muKubwinya, kuzoreverera, zvakanaka, kuti ritore zvino zvaRo zvarakadzikinura! Rangarirai, Ranga riri pabasa raRo rekureverera shure *kuno*. Asi, rangarirai, Zvisimbiso izvi zvagadzirira kuzarurwa, zvino Gwayana rakabva munzvimbo tsvene yaMwari, richienda mberi.

<sup>202</sup> Mirai kusvikira tasvika ipapo, awa imwe chete iyoyo, totora "hafu yeawa" iyoyo kuti Yakanyarara. Nzvimbo tsvene iri kupfungaira. Hapasisina kureverera. Chibairo chabva. Chava Chigaro cheKutonga. Hapachisina Ropa pachiri zvakare, nekuti Gwayana rakafukidza neRopa raenda. Usamirire kusvika panguva iyoyo. Munorangarira here muTestamende Yekare? Chero bedzi ropa raisava pachigaro chetsitsi, kwaiva kutongwa; asi chero bedzi ropa rakanga riripo, pakanga paine tsitsi. Asi Gwayana parakafamba richibva, zvakabva zvapera!

<sup>203</sup> Aiva chii? Anga ari Murevereri. Hakuna mumwe munhu! Ndiudzei pangambokwanisa Maria kureverera zvino. Chii chaigona kupiwa naMaria? Ko chii chaigonekwa naMusande Francis, Musande Assisi, kana chero ani zvake, naMusande Cecilia, waro, kana chero mumwewo munhu? Johane haana kumboona vasande 1,000 vachibuda kubva mukureverera.

“Akaona Gwayana, Gwayana rakanga rabayiwa, rizere neropa.” Handina basa nekuti vangani vatsvene vakauraiwa; vose vainge vakafanirwa nazvo, mumwe nemumwe wavo. Sezvakataurwa nembavhha iya pamuchinjikwa, “Isu takatadza, uye takafanirwa nazvo. Asi Murume uyu haana chaakaita.” Ndiye ega Murume aive akakodzera.

<sup>204</sup> HeUno achiuya, kubva mubhokisi rekureverera. Ari kuuyirei zvino? Mutarisei! Oo, oo, oo, ini zvangu!

<sup>205</sup> Johane akanga achichema. Ko zviripi zvese—zvese? Chii chichaitika?

<sup>206</sup> Akati, “Usachema, Johane,” akadaro mukuru. “Heyo Shumba ichiuya. Ndiyo Yacho yakakunda.” Paakatarisa, wanike iGwayana riri kuuya, rizere neropa, rakanga rabaiwa.

<sup>207</sup> Chinhu chese chinouraiwa chizere neropa. Unotoziva kuti, chakaurayiwa. Mutsipa wacho wakacheckwa ukavhurika, kana chimwe chinhu. Ropa rinenge rakazara kwese pachiri.

<sup>208</sup> Hero Gwayana ndokuuya, rakanga rabayiwa. Uye Rakauya, oo, ini zvangu, (chii?) kuzoreva zviri zvaRo zvaRakadzinkinura. Ameni. Oo! Oo! Ini... Haunzwe here sekunge kuda kuenda pachikona, wogara hako pasi zvino wombocchema kwechinguva? Heroka iro Gwayana richiuya, richakazara neropa. Johane... Pakanga pasina chinhu ipapo; vese vane mukurumbira vainge vakamira pose ipapo, asi hapana mumwe wavo aikwanisa kuzuviita. Saka, hero Gwayana richiuya, zvino. Mazuva aRo ekureverera apera, mazuva ekureverera.

<sup>209</sup> Ndipo pachazomira Mutumwa uyu ipapo. Mirai kusvika tapinda muZvisimbiso. “Uye nguva haichazovepo.” Ndizvozvo chaizvo. Iya “hafu yeawa yerunyararo.” Tarisai zvinoitika muhafu yeawa iyi yerunyararo, apo Chisimbiso Chechinomwe ichi, manheru eSvondo inouya, Ishe vachitendera.

<sup>210</sup> Anouya (chii?) kuzotora zviri zvaKe zvino. Oo, ini zvangu! Anouya kuzotora zviri zvaKe! Zvino, Akanga aita basa reHama. Akanga aburuka pasi, akava Munhu, ndokufa. Akaita basa reHama rerudzinkinuro, asi akanga asati adanira zviri zvaKe nazvino. Zvino Anouya panzvimbos kuzotora kodzero dzaKe, (tarisai zvinoitika) oo, ini zvangu, idzo dzaAkaurayirwa, maringe nokuva Hama kumunhu, kufa panzvimbos yake, kuti amudzikunure. Asi, zvakarehwu nemukuru uyu chaiva chokwadi paakati Aiva “Shumba,” munoono. Mukuru uyu akaMudana, akati, “Shumba.” Nokuti, Akambenge ari Gwayana, Murevereri, Gwayana rizere neropa, asi zvino Ari kuuya seShumba. Mazuva aKe ekureverera apera.

<sup>211</sup> “Uyo ane tsvina ngaarambe aine tsvina yake. Uyo akarurama ngaarambe akarurama. Uyo ari mutsvene ngaarambe ari mutsvene.” chinhu chachochavharwa. Oo, hama! Zvino zvozodii? Zvino zvozodii?

<sup>212</sup> Uye, rangarirai, zvinouya kuzera rechechi yechi 7, apo zvakavanzika zvaMwari zvichazarurwa. Zvino nyatsotarisaisai. Ichi chinhu chamunofanira kubata. Zvino, Anga ari kuita basa raKe rekureverera, achireverera mutendi. Kwemakore 2,000 Anga ari seri ikoko, Gwayana. Zvino Ari kufamba achibva muZiyendanakuenda, kuzotora Bhuku remvumo kunhaka, uye nekuparura Zvisimbiso, nekuzarura zvakavanzika. Riinhi? Panguva yekupedzisira.

<sup>213</sup> Muri kuzvibata here? [Ungano inoti, “Ameni.”—Mupepeti] Zvakanaka, tichaenderera mberi zvino.

<sup>214</sup> Zvino, anopamura Zvisimbiso uye nekusunungura zvakavanzika zvose kwavari, kumutumwa wechinomwe, ane Mharidzo yekuzarura zvese zvakavanzika zvaMwari. Zvakavanzika zvaMwari zviri muZvisimbiso Zvinomwe izvi. Maona? Ndizvo zvaAkataura pano. Zvakavanzika zvose zviri muZvisimbiso Zvinomwe izvi.

<sup>215</sup> Zvino Gwayana rinobuda zvino, kubva pakuva Murevereri pakati paMwari nemunhu. Rinova Shumba. Zvino paRinova Shumba, Rinotora Bhuku. Ndidzo kodzero dzaRo. Mwari vakaRibata, chakavanzika, asi zvino Gwayana rinouya.

<sup>216</sup> Hapana aigona kutora Bhuku. Richiri mumaoko aMwari. Hapana papa, muprisita, angava ani, havakwanise kutora (kwete) iro Bhuku. Zvisimbiso Zvinomwe hazvisati zvazarurwa. Maona?

<sup>217</sup> Asi kana, Murevereri, kana basa raKe rapera seMurevereri, Anouyako. Zvino Johane... Mukuru uyu akati, “Iye iShumba.” Zvino anobva Auya. Mutarisei. Oo, ini zvangu! Maona? Anouya kuzotora Bhuku, zvino tarisai, kuzozarura zvakavanzika zvaMwari, izvo zvakafemberwa pazviri nevamwe, mumazera ese aya emasangano.

<sup>218</sup> Tarisai, zvino, mutumwa wechinomwe. Kana Bhuku iri, zvakavanzika, riri Shoko raMwari, mutumwa wechinomwe anofanira kunge ari muporofita, kuti Shoko raMwari riuye kwaari. Hakuna vaprisita, vanapapa, kana chimwe chinhu chipi zvacho, chinogona kuRiwana; Shoko hariuye kune vakadaro. Shoko raMwari rinouya chete kumuporofita, nguva dzose. Maraki 4 yakavimbisa akadaro. Zvino paanouya, anozotora zvakavanzika zvaMwari, apo chechi yange yavhiringidzika mumasangano ose aya, “Uye wodzoreredza Kutenda kwevana kuchidzokera kumadzibaba.” Zvino ipapo kutongwa kwenyika kwobva kwazouya, uye nyika ichazopiswa. Uyezve vakarurama vachafamba pamusoro pemadota evakaipa, muMireniyamu.

<sup>219</sup> Muri kuzvinzwisia here zvino? [Ungano inoti, “Ameni.”—Mupepeti] Zvakanaka.

<sup>220</sup> Vamwe vakanga vafungidzira, muzera remasangano. Asi, munoonaa, anofanira kunge ari murume uyu, mutumwa wechi 7 wa... Zvakazarurwa 10:1-4 ari... Mutumwa wechi 7 ane

zvakavanzika zvaMwari zvakapihwa kwaari, uye anopedzisa zvakavanzika zvose zvakasiirirwa, zvichidzika nemumazera emasangano.

<sup>221</sup> Zvino munoono kuti sei ndisingarove hama dzangu dziri musangano. Hurongwa hwesangano! Havagone, hapana chikonzero chekuti vaedze kuZviziva, nekuti haZvaigona kuzarurwa. Ndizvozvo maringe neShoko. Vakaita zvekufungidzira paZviri, uye vakatenda kuti Zvakanga zviripo, uye nekutenda vakafamba naZvo, asi zvino Zvaratidzwa pachena. Ameni. Oo, ini zvangu, i—iGwaro rakadii iri!

<sup>222</sup> Zvino tarisai. Zvino ndiYe wacho, Gwayana, rinotora nzvimbo yaRo yeHumambo, kana vatsvene vaKe vauya kuzoMupfekedza korona, “Ishe washe, naMambo wamadzimambo.” Maona?

<sup>223</sup> Munoono, “Nguva yapera.” Zvakazarurwa 10:6, “Hapasisina nguva zvachose.”

<sup>224</sup> Cherechedzai, pane “nyanga 7” paGwayana iri. Mazvicherechedza here? “Rine nyanga 7.” Tichangobva kupfuura nemazviri. *Nyanga* dzinoreva “simba,” kumhuka. Uye, cherechedzai, Akanga asiri mhuka, nekuti Akatora Bhuku kubva muruoko rwerudyi rweUyo akanga agere paChigaro cheushe. Maona? Cherechedzai. Oo, ini zvangu!

<sup>225</sup> Ndinotenda kuti ndanga ndinazvo zvakanyorwa pasi pane imwe nzvimbo; oo, kuparura Zvisimbiso, nekusunungura gwaro, gwaro remvumo kunhaka, nemha—Mharidzo kumutumwa wekupedzisira. Zvino Anotora nzvimbo yaKe yeHumambo. Ndizvo zvaAnouya zvino kuzoita.

Zvino tarisai, paAnobuda, “Nyanga 7.”

<sup>226</sup> Zvino, paakaona Gwayana iri, Johane akaRitarisa, iRo—iRo raiita sekunge Rakanga rauraiwa, rizere neropa. Zvino Rakauya kubva muna Ziyendanakuenda, uye Rikasiya kuva Murevereri.

<sup>227</sup> Zvinoka chinamata kuna Maria sezvaungada! “Kwakanga kusina munhu Kudenga, nepanyika, kana kuti kusina munhu, kusina chii zvacho kune nzvimbo ipi zvayo, aigona kuritora.” Johane akatochema nekuda kwazvo. Oo, shamwari yechiKatorike, hausi kuzviona here? Usanamate kune mumwe munhu akafa.

<sup>228</sup> Gwayana ndiro rega Murevereri. Maona? Ndiro Rakabuda. Uye Rakaitei zvino? Ranga riri kumashure kuno richireverera, kusvikira Ropa raRo rayananisira munhu wese. Uye Gwayana, zvino, rinoziva zvakanyorwa muBhuku. Saka, Rakaziva kubva pamavambo enyika kuti mazita avo aiveMo, saka Rakamira kumashure kuno uye aka... uye—uye, asi, rakaita basa reMurevereri sezvizvi kusvikira... basa rekureverera, kusvikira munhu wese anga akaiswa muBhuku adzikinurwa, uye zvapera. Uye zvino Rinofamba richibuda. Maona? Akaita basa raKe

reHama. Ndiye zvose... Munoziva here kuti basa reHama raiva rei? Kupupura pamberi pevakuru. Munorangarira here Bhoazi achibvisa shangu yake, nezvimwe zvakadaro? Akaita zvese izvi zvino.

<sup>229</sup> Zvino Anouya kuzotora Mwenga waKe. Ameni. Anouya zvino saMambo. Ari kutsvaga Mambokadzi waKe. Ameni. Ameni. MuBhuku iri mune chakavanzika chose chaZvo, chakaputirwa pane, Zvisimbiso Zvinomwe. Oo, hama! Zvisimbiso Zvinomwe, zvakaMumirira kuti auye. Cherechedzai.

<sup>230</sup> Ngatitorei zviratidzo izvi. Zvakanaka, dzinongova 9:00 o'clock. Tine maawa 3 kana kudarika, asara. Tine... ngatingo... Satani ari kuramba achindiudza kuti vanhu ava vaneta, saka ndinofunga kuti ndizvo. Asi ngati—ngatitorei izvi, zvisinei.

<sup>231</sup> "Nyanga 7" dzaiva machechi 7, munoona, mazera 7 echechi, nekuti ndidzo dzaiva kudzivirirwa kweGwayana. DzaRakachengetedza nadzo kodzero dzaRo, panyika, rakanga riri Boka revanhu rakatumwa naMwari raichengetedza; munoona, nyanga paGwayana.

<sup>232</sup> "Maziso 7" ndivo vatumwa 7 vemazera 7 echechi. "Maziso 7," vaoni 7.

<sup>233</sup> Mungada kunyora pasi rimwe Gwaro here? Ngatingovhurai kwariri. Munoti kudii, mune nguva inokwana kudaro here? [Ungano inoti, "Ameni."—Mupepeti] Zvakanaka. Ngatiendei kuna Zakaria, Bhuku ra—raZakaria, zvishoma, uye ticha—tichaverenga zvime zveizvi.

<sup>234</sup> Ini—ini handidi kukuchengetai kwenguva yakarebesa pazvinhu izvi. Uye—uye ini... Asiwo, zvakare, handidi kuti muzvipotse. Chii chimwezve chakakosha kudarika izvi? Hongu. Chii chinodarika... [Imwe hama inoti, "Hama Branham?"—Mupepeti] Chii? ["Hamungazviyere izvozvo."] Hapana chimwezve chinhu chakakosha kudarika Hupenyu Husingaperi kumunhu. Uye tinofanira—tinofanira kuzviwana izvi zvino, uye—uye tova nechokwadi chekuti tazvibata. Zvakanaka. Zvakanaka, changamire.

<sup>235</sup> Uye zvino tinoda kuverenga Zakaria chitsauko 3. Ndinofunga kuti ndizvozvo, zvino, Zakaria 3. Tichangotora mifananidzo iyi pano, kana ndine Magwaro angu akanyorwa pasi. Ndanga ndichingodanidzira kwese-kwese, masikati ano, pandasvika pazviri izvi. Saka ini—ini handisi kungoziva kuti zvandawana ndizvo here, kana kuti kwete. Ndinovimba kuti ndazviwana. Zakaria 3, ngationei kana iri... Ndine 89 pano, asi inofanira kunge iri 8 kusvika 9. Zvakanaka. Zvakanaka. Ndinoziva kuti haingave 89. Zakaria 3:8 ne 9.

*Zvino chinzwa, O Joshua mupristi mukuru, iwe,  
neshamwari dzako dzigere newe: nokuti varume*

vonoyemurwa nezvavo: *nokuti, tarirai, ndichauyisa muranda wangu DAVI* (Kristu).

*Nokuti tarirai ibwe randichaisa pamberi paJoshua; pamusoro (ibwe) ibwe rimwe richava nameso 7: (meso 7), tarirai, ndichatema runyoro pamusoro paro, ndizvo zvinotaura JEHOVHA wehondo, ...ndichabvisa zvakipa zvenyika nezvava rimwe.*

<sup>236</sup> Zvino ngativhurei kuna Zekaria 4:10, 4:10. Teerera.

...ndiani akashora zuva rezvinhu zviduku (Mwari muhunyoro, munoona)? *nokuti vachafara, uye... vachaona purangamanzi mumaoko aZerubhabheri nevayo...nevaya 7; aya ndiwo meso aJEHOVHA, anofamba pose-pose panyika yose.*

<sup>237</sup> "Maziso 7." *Maziso* anoreva "kuona." *Kuona* zvinoreva "vaporofita, vaoni." Gwayana iri rakanga rine nyanga 7, zvino panyanga imwe neimwe paiva neziso, "maziso 7." Chii ichocco? Kristu neMwenga waKe; mazera 7 ekereke. Kubva imomo makabuda vaporofita 7 vakaenda, vaoni 7, maziso. Saka, wekupedzisira anofanira kunge ari muoni. Zvakanaka.

<sup>238</sup> Cherechedzai, iYe haasi mhuka. "Akatora Bhuku kubva muruoko rwerudyi rweUyo akanga agere paChigaro cheushe." Aiva Ani? Mu—Muridzi, Muridzi wepamavambo, aiva neBhuku iri reRudzikinuro muruoko rwaKe rwerudyi. Uye hapana Ngirozi, hapana Ngirozi Mhenyu, hapana chimwewo, chaigona kutora nzvimbo yacho. "Zvino Gwayana rizere neropa iri rakafamba richibuda ndokutora Bhuku kubva muruoko rwaVo." Fiyuu! Chaiva chii? Hama, ichi ndicho chinhu chakanyanya kunakisisa muMagwaro. Chiito chisina Mutumwa, kana chimwe chinhu, chaigona kuchiita. "Zvino Gwayana rakauya ndokuRitora kubva kuruoko rwerudyi rwaiYe akanga agere paChigaro cheushe."

<sup>239</sup> Chii ichocco? Zvino Rava reGwayana. Ameni. Mirairo yaMwari yaida. Ndiro RakaRibata. Murairo waMwari waida Mudzikinuri weHama. Zvino Gwayana ndokubuda, rakaRibata, "Ndini Hama yavo. Ndini Mudzikinuri wavo. Ini zvino... Ndakavareverera, uye zvino Ndauya kuzovatorera kodzero dzavo." Ameni. Hoyoka Mumwe chete wacho. "Ndauya kuzotora kodzero dzavo. Mune izvozvo, vane kodzero yezvose zvakarasika mukuwa, uye Ndakabhadhara mubhadharo wacho."

<sup>240</sup> Oo, hama! Fiyuu! Izvozvo hazvikuite kuti unzwe manyukunyuku ekunamata here mukati? "Kwete namabasa akanaka atakaita, asi netsitsi dzaKe."

<sup>241</sup> Oo, imbomirai zvishoma! Zvino vakuru ivavo nezvimwe zvose vakananga kubvisa korona dzavo, uye nevaremekedzwa vakananga kuwira pasi, munoona.

Hapana, hapana aigona kuzviita.

<sup>242</sup> Zvino Rinofamba richiuya kuruoko rwerudyi rwaMwari chaiko, rotora Bhuku kubva muruoko rwaVo, ndokutora kodzero dzaRo. “Ndakavafira. Ndini Mudzikinuri wavo weHama. Ndini. Ndini Murevereri. Ropa rangu rakadeurwa. Ndakava Munhu. Uye Ndakaita izvi kuitira kuti ndidzose Chechi iyi zvakare, iYo yacho yaNdakafanoona nyika isati yavambwa. NdakaItira chinangwa. NdakaItaura, Yaizovapo. Uye hapana akakwanisa kuItora, asi Ndakadzika ndikanozviita, Ini pachangu. Ini ndiri Hama yavo. Ndakava hama.” Zvino Rinotora Bhuku. Ameni!

<sup>243</sup> Oo, ndiAni akandimirira Ipapo manheru ano? Ndiani uYo, chechi, akamirira Ipapo? Chii chimwezve chingakumirira Ipapo? Mudzikinuri wehama uyu! Oo, ini zvangu! Chirevo chakanakisisa zvakadini, kana kuti chiito!

<sup>244</sup> Zvino Ane gwaro remvumo kunhaka rerudzikinguro. AnaRo muruoko rwaKe. Kureverera kwapera zvino. AnaRo muruoko rwaKe. Rangarirai, Ranga riri muruoko rwaMwari, nguva dzose, asi zvino Rava muruwoko rweGwayana. Zvino tarisai. Gwaro remvumo kunhaka rerudzikinguro, rezvisikwa zvose, riri muruoko rwaRo. Uye Rauya kuzoRitora, zvakare, richidzokera kurudzi rwevanhu. Kwete kuRitora richidzokera kuNgirozi. AkaRitora kuti ridzokere kumunhu, uyo waRakapiirwa, kuita vanakomana nevanasikana vaMwari zvakare; kuvadzosa kubindu reEdheni, zvose zvavakarasikirwa nazvo; zvisikwa zvose, miti, hupenyu hwemhuka, nezvimwe zvose. Oo, ini zvangu!

<sup>245</sup> Izvozvo hazvikuite kuti unzwe zvakanaka here? Fiyuu! Ndafunga kuti ndanga ndaneta, asi handina zvino. Maona? Dzimwe nguva ndinofunga kuti nda—ndanyanya kuchembera kuti ndiparidze, zvino ndobva ndaona chimwe chinhu chakadaro, uye ndofunga kuti ndiri murume wechidiki zvakare. Hongu. Uh-huh. Hum! Žvinoita chimwe chinhu kwauri. Maona?

<sup>246</sup> Nokuti ndinoviza izvi, kuti pane Mumwe Ipapo Akandimirira. Pane Mumwe akabhadhara mubhadharo wandaisakwanisa kubhadhara. Ndizvozvo chaizvo. Akazviitira ini, Charlie. Akakuitira iwe. Akazviitira rudzi rwose rwemunhu. Uye zvino Anouya kuzotora kodzero dzaKe dzekudzikingura. Kudzitorera ani? Kwete achizviitira iye pachaKe; achiitira isu. Iye mumwe wedu. Ndiye hama yedu. Oo, ini zvangu! Ndiye Mukoma wangu. Ndiye Muponesi wangu. Ndiye Mwari wangu. Ndiye Hama yangu Mudzikinuri. Ndiye zvose. Nokuti ndaimboveiko pasina iYe, kana kuti ndaizoveiko pasina iYe? Saka, munona, Ndiye Zvose zvangu. Uye Akamira Ipapo sehama yedu. Uye zvino Anouya otora Bhuku reRudzikinguro, kutora kodzero dzaKe, dzezvaAkatiitira.

<sup>247</sup> Vanofa. Jesu akati, “Uyo anotenda maNdiri, kunyange akafa, achararama. Ani naani anorarama uye anotenda kwaNdiri

haangatongofi. Uyo anodya nyama yaNgu nekunwa Ropa raNgu ane Hupenyu husingaperi, uye Ndichamumutsa nezuva rekupedzisira.”

<sup>248</sup> Hazvina mhosva, akarara munguva yekurinda yekutanga, yechi 2, yechi 3, yechi 4, yechi 5, yechi 6, kana yechi 7, chero papi paanorarira. Chii chichaitika? Hwamanda yaMwari icharira. Hwamanda yekupedzisira iyoyo icharira, nguva imwe chete iyo mutumwa wekupedzisira uyu ari kupa Mharidzo yake uye Chisimbiso chekupedzisira chazarurwa. Hwamanda yekupedzisira iya icharira, uye Mudzikinguri anouya kuzotora pfuma yaKe yakadzikingurwa, Chechi yaKe, yakashambwa neRopa.

<sup>249</sup> Zvino, oo, zvisikwa zvose zviri muruoko rwaKe zvino, apo zano rose rerudzikinguro rakasimbisa neZvisimbiso 7 zvakavanzika, muBhuku iri raAkatora. Zvino tarisai. “Uye iYe oga ndiye Anokwanisa kuRizarura kuna ani zvake waAnoda.” AnaRo muruoko rwaKe, munona. Zvino, Akavimbisa kuti zvaizoitika panguva iyoyo, zvino, nekuti Rakasimbisa neZvisimbiso Zvinomwe zvechakavanzika, Bhuku reRudzikinguro iri. Zvino tarisai. Sezvino . . .

<sup>250</sup> Shamwari, ndakuudzai, ndinokuburitsai na 8:30, asi ndakanda uko mapeji 3 kana 4 pano, kuti ndisvike pane izvi. Saka ndinoda . . . Ndatopfuura 9 kare. Kuitira kuti mugokwanisa kudzoka mangwana.

<sup>251</sup> Asi zvino muBhuku iri reZvisimbiso rakapetwa ka 7, rerudzikinguro, iro Gwayana rakatora, mariri pachaRo, ndiro Rega raikwanisa kuzviita. Uye RikaRitora kubva muruoko rwerudyi rweUyo aiva akagara paChigaro cheushe, zvino, kutora zvakadzikingurwa zvaRo, kutora kodzero dzaRo. Kutorera, ini newe, izvo zvaAkatidzikingura kubva kwazviri, kune, munona, kudzokera kune zvose zvakaraswa naAdhamu mubindu reEdheni. Akatidzikingura kuti tidzokere kune izvozvo.

<sup>252</sup> Zvino neGwayana iri, neBhuku mumaoko aRo, tagadzirira kukumbira nyasha dzaKe netsitsi pamusoro pedu, kutivhurira Bhuku reZvisimbiso Zvinomwe, uye wotitendera kutarisa seri kwechidzitiro chenguva, zvishoma. Oo, ini zvangu! Cherechedzai paAkatora Bhuku, gwaro remvumo kunhaka, rakasimbisa, (ingozviisai mupfungwa dzenyu zvino), uye ndokuparura Zvisimbiso zvechakavanzika, kuzvizarura, kuti azviunze kune vaKe, munona, vanhu vaKe vose vakadzikingurwa.

<sup>253</sup> Zvino, patichasvika pazviri muZvisimbiso, tichadzokera kumashure ikoko toona mweya iyoyo iri pasi peartari, ichichema, “Ishe, kusvikira rinhiko, kusvikira rinhiko?”

<sup>254</sup> Zvino heunoi Uyu seMurevereri, paartari, “Kwangosara nguva diki bedzi, kusvikira pava nevakawanda vanofanira kutambudzika semi.”

<sup>255</sup> Asi zvino Anobva pano, paChisimbiso ichi chekupedzisira. Haasisiri Murevereri. NdiMambo zvino. Uye chii chaAnoita? Kana Ari Mambo, Anofanirwa kuva nevaanotonga. Uye vanhu vaKe ndivo vaAkadzinkinura, uye havakwanise kuuya pamberi paKe kusvikira Atora kodzero dzerudzikinuro. Uye zvino Anofamba, achibva pakuva Murevereri; uko rufu rwakatiisa muguva, Anouya nekodzero. Ameni.

<sup>256</sup> “Uye kunyange avo vapenyu uye vakasara kusvikira paKuuya kwaKe, havangadzivisi avo vakarara. Nekuti hwamanda yaMwari icharira, pahwamanda iyoyo yekupedzisira.” Pachaparurwa Chisimbiso chekupedzisira, uye apo mutumwa wechinomwe achange achipa Mharidzo yake, “Hwamanda yekupedzisira icharira, uye vakafa muna Kristu vachamuka. Uye isu vapenyu vakasara tichabyutwa pamwe chete navo, kuti tigosangana na Ye muchadenga.” Anotora! Auya zvino kuzotora zviri zvaKe—zvaKe.

<sup>257</sup> Honai! Tarisai pane izvi! Ini zvangu! Akaparura Zvisimbiso, akazarura zvakavanzika. Akazvizarura (kupi?) kuzera rekupedzisira rechechi, iro roga riri kurarama. Vamwe vose vakarara.

<sup>258</sup> Akati, “Kana Akauya munguva yekurinda yekutanga, nguva yekurinda yechi 2, nguva yekurinda yechi 3, zvichienda zvichidzika kusvika panguva yekurinda yechi 7.” Munguva yekurinda yechi 7, kwakabuda mu—murairo, kana kuti kudana, “Tarirai, Chikomba chouya!”

<sup>259</sup> Uye pavakadaro, mhandara yakarara, machechiwo emazuva ese, akati, “Oo, munoziva, ndi—ndinotenda kuti ndinoda kuvawo neMweya Mutsvene iwoyo.” Makacherechedza here maPresbyterian nemaEpiscopalian? Makanzwa here Mharidzo yangu muPhoenix, kune varume avo vanomira kumusoro uko, mumagazini reVoice uye ipapo, vachiti...? Nhaimi, dambudzikro remunyori uyu nderei, achiti, “Baba Mutsvene *Nhingi-nhingi*? Iro, Bhaibheri rakati, “Usadana munhu upi zvake kuti, ‘Baba,’ saizvozvo.” Munoona, varere pamwe navo, ndicho chikonzero, asi pavanouya uye voti, “Hongu, tinotenda.”

<sup>260</sup> Mumwe mudzimai akangofonera mumwe mudzimai, ndokuti, “Unoziva, ndiri muEpiscopalian.” Akati, “nda—nda—ndakataura nendimi, rimwe zuva. Ndinotenda kuti ndakagamuchira Mweya Mutsvene, asi, shii, usaudze kana munhu.” Ndinopokana nazvo zvikuru. Unogona kunge wakataura nendimi. Asi, ukatungidza munhu neMoto, angagonyarara sei? Ndizvozvo chaizvo. Maona? Maona? Haukwaniise kuzviita.

<sup>261</sup> Ungambofunga here Petro, naJakobho, naJohane, nevamwe kumusoro mukamuri yepamusoro, vachiti, “Oo, tine Mweya Mutsvene zvino, asi pamwe zviri nani kuti tingonyarara zvedu”? Hama, nepamahwindo, mikova, nezvose, vakaenda, kunze

mumugwagwa, vachiita seboka rezvidhakwa. Ndiwo Mweya Mutsvene wemazvirokzwavo.

<sup>262</sup> Asi, munoono, mhandara iya yakarara haina chairi kugamuchira, zvakadaro. Uh-huh. Ndizvozvo. Uye rangarirai, pavakaenda vachiedza kunotenga Mafuta, rangarirai, Magwaro haatauri kuti vakaAwana.

<sup>263</sup> Asi pavakanga vari kunze vachiedza kuAtenga, pakava neruzha. Chii chakaitika? Mhandara dzose dziya dzakanga dzirere, dzakamuka ndokugadziridza marambi adzo, "dzikapinda muMabiko." Ndizvo here?

<sup>264</sup> Uye vamwe vose vakasiwa vave munguva yeKutambudzika, ndizvozvo, "Kuchema, kuungudza, nekugeda-geda kwemeno." Ndiyo chechi, kwete Mwenga; chechi.

<sup>265</sup> Mwenga wakapinda mukati. Pane musiyano mukuru pakati pechechi neMwenga. Hongu, changamire! Uh-huh. "Wakapinda muMabiko eMuchato." Oo, cherechedzai, vakomana!

<sup>266</sup> Zvisimbiso zvakaparurwa (sei?) muzera rechechi yekupedzisira, kuzarura Zvokwadi idzi. Sei? Gwayana rakaparura Zvisimbiso rikazvizarura kuChechi yaRo, kuitira kuti riunganidze vanhu vaRo kuHumambo hwaRo. Mwenga waRo, munoono! Oo, ini zvangu! Rinoda kuunza vanhu vaRo kwaRiri zvino.

<sup>267</sup> Chii ichocco? Kubva muguruva renyika, kubva muzasi megungwa, kubva mumakomba, kubva kwese-kwese nenzvimbo dzese, kubva—kubva munzvimbo dzerima, kubva muparadhiso, chero kupi kwavangave. Achadana, uye ivo vachadaira. Amen! Amen! Achadana, uye vachadaira.

<sup>268</sup> Anouya kuzotora vanhu vaKe. Akazarura zvakavanzika zvaKe, uye vakaZviona. "Uye nguva haichavapo," panguva iyoyo. "Nguva yapera." Yapera. Zvakanaka.

<sup>269</sup> Anosiya Chigaro cheushe, kuti ave Murevereri, seGwayana rakabaiwa; kuti ave Shumba, Mambo; kuunza nyika paKutongwa, avo vakaramba Mharidzo yaKe. Haasi Murevereri.

<sup>270</sup> Rangarirai dzidziso yeTestamende Yekare zvino, tichikurumidza. Ropa parakabva pachigaro chetsitsi, chaiva chii? Chigaro chekutonga.

<sup>271</sup> Zvino Gwayana, rakabayiwa, parakauya mberi richibva muna Ziyendanakuenda, kubva paChigaro choushe chaBaba, uye rikatora kodzero dzaRo, chaiva Chigaro cheKutonga. Zvino Akazova, kwete Gwayana, asi Shumba, Mambo, zvino Anodaidza Mambokadzi waKe kuti auye kuzomira parutivi rwaKe.

<sup>272</sup> "Hamuzive here kuti vatsvene vachatonga nyika?" Dhanieri akati, "Kutongwa kwakagadzirirwa, uye mabhuku akazarurwa; uye zviuru gumi zvakapetwa zviuru gumi zvezviuru zvakashumira kwaAri," Mambo naMambokadzi. "Uye zvakare

rimwe Bhuku rakazarurwa, iro raiva Bhuku reHupenyu," ndiro rechechi. Zvino Mambokadzi naMambo vakamirapo.

<sup>273</sup> Sedetembo remufudzi wemombe rakati:

Husiku hwapfuura ndirere hangu kumakura,  
Ndakatarisa kunyeredzi ndiri mumatenga,  
Zvino ndakafunga kana mufudzi wemombe  
Angagonawo kumhemhaira achienda mugare-  
gare iri rinotapira.

Kune nzira inoenda kuNzvimbo iyi yakajeka,  
yemufaro,  
Asi ine karima, nzira iyi nhete, ndizvo  
zvavanotaura,  
Asi yakapamhamha yacho inotungamira  
mukuparadzwa  
Yakaiswa pachena ndokujekeswa nzira yose.

Vanotaura nezvemumwe Muridzi mukuru,

<sup>274</sup> Ari kutaura zvakanangana nehupenyu hwake hwekumombe.  
Kana wakambova pakukokorodza mombe, unoziiona  
zvakajeka.

Vanotaura nezvemumwe Muridzi mukuru,  
Uye haana kumbova nedzakawandisa, ndizvo  
zvavanotaura,  
Anogara aine nzvimbo yemutadzi  
Uyo anofambilira munzira iyi yakatetepa,  
nhete.

Vanoti haAmbofa akakusiya,  
Uye Anoziva chitikiko chose uye  
nemataridzikiro;  
Nekuti, kuti tinge takachengeteka, ngatingei  
hedu tine muchiso,  
Tova nezita redu muBhuku raKe remazita  
guru.

Nokuti vanoti kuchava nekokorodzo huru,  
Apo vafudzi vemombe sembwa vachamira,  
Kuti vaiswe muchiso nevatasvi vekutonga,  
(Vaporofita ava nevaoni.)

Avo vakaiswa panzvimbo uye vanoziva  
mhando dzose.

<sup>275</sup> Kana wakambova pakukokorodza mombe, uchiona sapurazi  
akamira kunze uko, nevatasvi, uye vachifamba-famba pakati  
pemombe idzi. Achaona muchiso wake uchipfuura nepo,  
zvino obva asimudzira ruoko kuna sapurazi. Zvino sapurazi  
achazviona, zvino obva amugutsurira musoro. Bhiza rake  
rinomhanyiramo, imomo, mugurumwandira iri, renyanga zhinji  
dzakamira saizvozvo, abva abvisa mhous dzake. Maona?

Vanoti kuchava nekokorodzo huru,

Zvino vafudzi vemombe sembwa vachamira,  
 Vachaiswa muchiso nevatasvi vekutonga,  
 Avo vakaiswa panzvimbo uye vanoziva  
 muchiso mumwe nemumwe. (Maona?)

<sup>276</sup> Saka akati:

Ndofunga ini ndichange ndiri mhuru  
 yakarasika,

Angoriwo hake munhu atongerwa rufu, asina muchiso, uyo,  
 vanobika muto kubva paari, munoona.

Ichaiswa muboka iri pamwe nedzekumaruwa,  
 Pachauya Mukuru wevatasvi ava.

<sup>277</sup> Munoona Kuti ndiAni? “Mukuru wevatasvi ava.” Ndiro Gwayana, kuvatumwa 7 vakagadzwa panzvimbo uye vanoziva muchiso wese. Maona? Hum!

<sup>278</sup> Cherechedzai, hoyoka uyo Achiuya. Anobva paChigaro chehushe, seMurevereri, seGwayana rakauraiwa; kuti ave Shumba, Mambo, kuunza nyika yose muKutongwa, iyo yakaramba. Mudzikinuri wedu weHama zvino ndiye Mambo pamusoro pezvose. Sei? Ane gwaro remvumo kunhaka rerudzakinuro. Zvose zviri muruoko rwaKe. Ndinofara kuti ndinoMuziva. Maona?

<sup>279</sup> Zvino anobva atora nhaka yake; ndiyo Chechi, Mwenga. AnoItora.

<sup>280</sup> Chii chaAnoita zvino? Anobva atorera mukwikwidzi waKe, Satani. Anomukandira muDziva reMoto, navose vakafemerwa naSatani, kuti varambe Shoko raKe rerudzakinuro.

<sup>281</sup> NdiMambo zvino. Tsitsi dzichiri paChigaro chehushe. Usarambe zvaAri kukupa. Maona? Vatasvi ava vanotongoziva kuti uri ani.

<sup>282</sup> Uye, zvino, mukwikwidzi waKe, uyo wakaMupa dambudziko kwemakore 2,000, achiti iye, “Ndinogona kuita navo zvandinoda. Ndichiri navo. Ndevangu. Ini... Vakarasikirwa negwaro iri kumashure uko.”

<sup>283</sup> Asi ndiYe Mudzikinuri weHama. Akati Ari shure kuno achireverera zvino. Asi rimwe zuva...

Obva ati, “Ndichavaisa muguva.”

<sup>284</sup> Asi iYe akaudza Chechi kuti, “Ndichakubuditsai imomo.” Maona? “Asi, kutanga, ndinofanira kuva Murevereri.”

<sup>285</sup> Zvino Anouya, achibuda kubva muna Ziyendanakuenda kumashure uko, obva paChigaro chehushe chaBaba, apo paAinge akagara seMurevereri. Zvino Anouya kuzova Mambo, oo, kuzotonga marudzi ese netsvimbo yedare. Kutonga kwagadzirirwa. Oo, hama, Mudzikinuri wedu weHama akazvibata zvose. Ndizvozvo chaizvo. Hongu, changamire.

<sup>286</sup> Chii chaAnoita? Anopikisa mukwikwidzi uyu, Satani. “Ndevangu zvino. Ndakavamutsa kubva muguva.” Zvino Anotora varevi venhema vose, nevatsveyamisi veShoko, uye nevose vakadaro, pamwe naSatani, ovaparadza muDziva reMoto. Yose yapera, zvino. Anovakanda muDziva reMoto. Oo, ini zvangu!

<sup>287</sup> Munozivei? Ndinoda—Ndinoda kutaura chimwe chinhu pano tisati tavhara. Uyezve ticha—ticha—tichakurumidza. Cherechedzai. Tasvika zasi zvino pandima 7. Asi kubva pandima 8, kusvika ku 14, ndinoda kuti mucherechedze zvinoitika.

Zvose zvakanga *zviri kudenga*, nezvose zvakanga *zviri panyika*...

<sup>288</sup> Ingoteererai kune izvi. Regai ndingozviverenga zvino. Ndinotenda kuti zvingava nani kana ndikangozviverenga kubva muBhuku, nendima 7, munooна. Uye tarisai ndima 6.

*Zvino nda—zvino ndinoona, ndakaona, zvino, tarira, pakati pechigaro choushe nezvipuka 4, napakati pavakuru, pakanga pamire Gwayana rakaita serakabaiwa, rine misoro 7...kana kuti nyanga 7 (ndoreva kudaro) nameso 7, (tichangobva mukuzvitsanangura), inova Mweya 7 yaMwari yakatumwa kunyika yose.*

<sup>289</sup> Munooна, mazera 7 echechi, vatumwa 7 vakachengeta Moto iwoyo uchibvira. Maona? Zvakanaaka.

*Zvino rakauya (Gwayana) uye rikatora bhuku muruoko rwerudyi rwaiye akanga agere pachigaro choushe—agere pachigaro choushe.*

<sup>290</sup> Zvino tarisai. Uye paAkaita izvozvo, tarisai zvakazoitika. Mungataura nezvejubheri! Zvino uku ndiko chaiko kuparurwa kweZvisimbiso izvi, kuri kutika. Tichapinda mu “hafu yeawa yerunyararo,” mushure meizvi. Tarisai izvi, zvino tozochitanga. Tichazopedzisa izvi, manheru eSvondo inotevera, ipo pano. Uye nyatsoteererai zvino. Magadzirira here? Itai, “Ameni.” [Üngano inoti, “Ameni.”—Mupepetil] Nyatsoteererai, zvakaitika paAkaita izvi.

<sup>291</sup> Apo zvisikwa zvose zvakanga zvichigomera; hapana aiziva zvekuita, zvino Johane aichernia. “Hero Gwayana ndokuya, ndokuendako!” Uye Bhuku iri rakanga riri mumaoko e—eMuridzi wepamavambo, nokuti munhu akanga awa ndokurasikirwa naRo. Zvino hakuna munhu akakwanisa kuRitora, zvachose, kuti adzikinure nyika; hapana muprisita, papa, hapana kana, sezvandataura. “Asi Gwayana rakauya!” Hapana Maria, hapana musande *chakati*, kana musande *chakadaro*. “Gwayana rakauya, rizere neropa, rakabayiwa, ndokutora Bhuku kubva muruoko rwerudyi rwaiYe akanga agere paChigaro chehushe.” Uye pavakaona kuti paiva neMudzikinuri; nemwe—mweya yose iri pasi peartari, apo Ngirozi, apo

vakuru, apo zvinhu zvose zvakaona, izvi pazvakaitwa. Izvozvo, zvakadaro, zviri mune ramangwana. Manheru ano iYe Murevereri, asi Ari kuuya kune izvi. Tarisai.

*Zvino rakati ratora bhuku, zvipuka 4 navakuru 24 vakawira pasi pamberi peGwayana, mumwe nemumwe ane rudimbwa, nendiro dzendarama dzakanga dzizere nezvinonhuwira, iri minyengetero yevatsvene.*

<sup>292</sup> Ndivo vaya vari pasi peartari, vakanimata, kari kare. Munoono, vakanga vanamatira rudzikinuro, vakanimatira rumuko. Uye pano vakuru ava—ava vari kudurura minamato yavo pamberi... Nekuti, zvino tine Mumiririri, tine Hama iri Kudenga, yakauya kuzotara zviri zvaYo.

*Zvino vakaimba rwiyo rutsva, vachiti, Ndimi makafanira kuti mutore bhuku, nokuzarura zvisimbiso zvaro: nokuti makabayiwa, uye makatidzakinura kuna Mwari wedu (tarirai) neropa renyu kubva kumarudzi ose, ...ndimi, navantu, nendudzi;*

*Uye mukatiita madzimambo navaprisita kuna Mwari wedu: uye tichatonga panyika.*

<sup>293</sup> Vaida kudzoka. Zvino pano apa vari kudzokera, kunova madzimambo navaprisita.

<sup>294</sup> Mwari ngavarumbidzwe! Ndiri kunzwa zvakanaka zvakakwana kuti nditaure nendimi. Onai. Tarisai. Hongu. Zvinoita sekuti handina mutauro wakakwana; wandingagona kuMurumbidza naWo. Ndinoda mumwe wandisingatomboziva.

<sup>295</sup> Cherechedzai, “Zvino ndakaona...” Teererai kune izvi.

*Zvino ndakaona, uye ndikanzwa izwi ravatumwa vazhinji...*

<sup>296</sup> Inzwai kuti ijubheri rakadini riri kuitika! Pavakaona Gwayana iri richiuya uye richitora Bhuku iri reRudzikinuro, mweya yakadanidzira. Tichazviwana. Zvose, zvose hazvo, vakuru vakawira pasi. Vakadurura minyengetero yevatsvene. Chii? Paiva neHama yaitimiririra. Vakawira pasi nezviso zvavo. Zvino vakaimba rwiyo, uye vakati, “Makafanira, nekuti makauraiwa!” Tarisai zvaka... Uye tarisai Ngirozi idzi!

*Zvino ndakaona, uye...ndikanzwa izwi ravatumwa vazhinji vakanga vakakombereda chigaro choushe nezvipuka navakuru: uye kuwanda kwavo kwakanga kuri 10,000 yakapetwa zviuru zvine gumi,...zvezviuru; (Fiyuu! Cherechedzai!)*

*Vachiti nezwi guru, Gwayana rakabayiwa rakafanira kugamuchira simba, nepfuma, nohuchenjeri, nesimba, nekukudzwa, nekubuwinya, nemaropafadzo.*

<sup>297</sup> Ijubheri rakadini riri kuitika Kudenga, apo Gwayana iroro richatungamira, richabva pabhokisi iri rekureverera, kuuya pano kuzotora zviri zvaRo!

<sup>298</sup> Munoziva, izvozvo zvakadenha Johane zvikuru. Anofanirwa kunge akaona zita rake rakanyorwa ipapo. Pakaparurwa Zvisimbiso izvi, anofanira kunge akafara chaizvo. Teerera zvaakataura.

Zvino *zvisikwa zvose zviri kudenga, napanyika, nezviri* pasi *penyika, . . . seizvo . . . mukati megungwa, nezvose izvo . . . zviri mukati mazvo, zviri mukati mazvo,* zvakandinzwa, ndichiti, Maropafadzo, . . . *kukudzwa, . . . kubwinya, . . . simba, ngazvive kuna iye* anogara pachigaro *choushe, nokuGwayana nokusingaperi . . .* (Ameni! Ameni, naameni! Oo!)

Zvino *zvipuka 4 zvakati, Ameni.* Zvino *vakuru 24 vakawira* pasi uye *vakanamata* iye anorarama nokusingaperi-peri.

<sup>299</sup> Taura nezvejubheri, taura nezvenguva, Gwayana riya parakafamba richiuya! Munoona, Bhuku rakatosimbiswa kunyange Kudenga, zvakavanzika zvakasimbiswa.

<sup>300</sup> Woti, “Zita rangu ririko here?” Handizive. Ndinovimba kuti ririko. Asi, kana riripo, rakaiswa muBhuku nyika isati yavambwa.

<sup>301</sup> Asi chinhu chekutanga, chaimiririra rudzikinuro irworwo, kwakauya Gwayana rakange rabayiwa kubva pamavambo enyika. Zvino Rakatora Bhuku, (kubwinya!) ndokuzarura Bhuku iri, rikaparura Zvisimbiso; ndokuRitumira zasi panyika, kumutumwa waKe wechi 7, kuti aRizarurire kuvanhu vaKe! Hezvoka izvo. Oo, ini zvangu! Chii chakaitika? Mhere-mhere, kudanidzira, mahareruya, vakazodzwa, simba, kubwinya, kuratidzwa!

<sup>302</sup> Zvino mutana Johane, akambenge akamira ipapo, hama yedu, achichema! “Handiti,” akati, “*zvose zviri Kudenga, zvose zviri panyika, nezvose zviri mugungwa, zvakandinzwa ndichidanidzira, ‘Ameni! Ameni! Maropafadzo, kukudzwa, nesimba, nehutongi, ngazvive kuna iYe* anorarama nekusingaperi-peri.”

<sup>303</sup> Taura nezvenguva yekufara, Zvisimbiso izvi pazvaparurwa! Johane anofanirwa kunge akatarisa mukati ndokuona seri kwechidzitiro chenguva, ndokuti, “Hoyo Johane.” Oo, oo!

<sup>304</sup> Akafara chaizvo, kusvika ati, “*Zvese zviri Kudenga.*” Anofanira kunge akadanidzira chaizvo, haana here? “*Zvose zviri Kudenga, zvose zviri panyika, zvose zviri pasi penyika, zvisikwa zvose, zvimwe zvose, zvakandinzwa ndichiti, ‘Ameni! Maropafadzo, nekubwinya, neuchenjeri, nehutongi, nesimba, nehupfumi, ndezvaKe.’*” Ameni!

<sup>305</sup> Sei? Chizaruro pachakauya, chekuti Gwayana, Mudzikinuri, Hama yedu, rakanga radzoka kubva paChigaro cheushe

chemurevereri uye rakanga rafamba kunze kuno kuzotora zviri zvaRo.

Nenguva isipi Gwayana richatora Mwenga waRo kuti agare nguva dzose parutivi rwaRo, Hondo yose yeKudenga ichange yakaungana; O, uchava muono unobwinya, vatsvene vose vakapfeka zvichena zvisina gwapa; Uye pamwe naJesu tichatonga Nokusingaperi.

Oo, “Huyai mudye,” Tenzi vari kudana, (PaShoko!) “Huyai mudye.”

<sup>306</sup> Oo, ndi—ndi—Ndinopererwa nemashoko, munoona.

“Huyai mudye, huyai mudye,”  
Munogona kudya patafura yaJesu chero nguva,  
(Zvino! Asi paAnobva, hapasisina tariro.)  
Iye Akapa ruzhinji zvekudya, akashandura mvura kuti ive waini,

<sup>307</sup> Uyo akataura, kuti, “Uyo anotenda maNdiri, mabasa aNdinoita naiye achaaitawo.” Oo, ini zvangu! Iye akavimbisa zvinhu izvi mumazuva ekupedzisira. Uyo akataura zvinhu izvi. Uyo ari zvino munguva yekuzarurwa kwezvinhu izvi zviri kuziviswa. “Huyai mudye.” Oo, usaZvipotsa, hama yangu.

Zvino ngatikotamisei misoro yedu kwekanguvana.

<sup>308</sup> Mangwana manheru, nenyasha dzaMwari, tichaedza kuparura Chisimbiso Chekutanga ichi, kana Mwari vakaChiparura kwatiri uye voita kuti tione kuti chizaruro ichi chaivei, “chakavanzwa kubva pamavambo enyika.”

<sup>309</sup> Tisati taita izvozvo, shamwari mutadzi, kana nhengo yechechi inodziya, unongova chete nhengo yechechi here, kana kuti hausi nhengo? Uye kana uchingova nhengo chete, zvingatova nani kunge usiri hako. Chaunoda Kuzvarwa. Unofanira kuuya kuRopa. Unofanira kusvika pane chimwe chinhu chinongobvisa chivi, kusvikira pasisina zvachose kurangarirwa kwacho.

<sup>310</sup> Kana usati waita gadziriro, nazvino, yekusangana neGwayana muchadenga! Uye nesimba randakapihwa kubudikidza nekutumwa kwangu, randakapiwa naMwari Samasimba, uye rikashumirwa kwandiri neNgirozi, Shongwe yeChiedza, ndinokurayira, muZita raJesu Kristu! Usaedze hako kusangana naYe nekungova nhengo chete yekirabhu yechechi yepanyika pano.

<sup>311</sup> Huya, apo Murevereri, sekuziva kwangu, achiri paChigaro chehushe, achireverera. Nekuti, kuchauya zuva rauchazoda kuuya, zvino pachange pasisina Murevereri. Nekuti kana tikaona nguva yatiri kurarama, muzera rechechi yechi 7, uye zvakavanzika zvaMwari zvikava zvazvave, neMweya waMwari

wakasimbiswa uchiratidza zvose zvaAkavimbisa mumazuva ekupedzisira, inguva yakadini yasara? Shamwari mutadzi, huya.

<sup>312</sup> Ishe Jesu, nguva dziri kupera. Inogona kunge yatoperesesa kupfuura zvatiri kufunga. Uye tinofara kuona nguva iyi ichiswedera. Inguva inobwinya zvikurusa yati yambozivikanwa nenyika, kumutendi. Asi, kune uyo anoramba, inguva inosuwisa zvikurusa ingambovapo. Hapana kuwanikwa mashoko muarifabheti, mavara ekugadzira mashoko, anogona kuratidza dambudziko nekusuwa kuri mberi. Uyezve hakunawo mashoko anogona kuumbwa, kubva muarifabheti yedu, anoratidza maropafadzo akamirira mutendi mberi.

<sup>313</sup> Baba, panogona kuva nevamwe, manheru ano, pano vasina tariro. Uye vari vanhu vakangwara. Uye zvino kana Ropa richiripo paChigaro cheTsitsi, regai Gwayana rifambe richibva paChigaro chehushe, richienda kumoyo yavo, manheru ano, uye rigovazarurira kuti vakarasika. Uye nemaoko azere neRopa, rigoti, "Huyai, ichiri nguva yokuuya."

<sup>314</sup> Ndinoisa Mharidzo iyi, Ishe, nemunamato wangu, mumaoko eNyru. Itai chero zvaMunoda, Baba, muZita raJesu.

Takakotamisa misoro yedu.

<sup>315</sup> Kana usati wazadzisa chikumbiro ichi zvakare nechinodiwa ichi! Kana wakangovimba nechechi yako bedzi! Hapana chaigona kudzinkinura. Kana wakavimba mukureverera kwemumwewo musande, uchakarasika. Kana wakavimba nemabasa emaoko ako, chimwe chinhu chawakaita, mabasa akanaka, wakarasika. Kana wakavimba mu—mumunyengetero wamai vako, kana kururama kwamai vako, kwababa vako; kana wakavimba mune izvozvo, wakarasika. Kana wakavimba nekumwe kutekenyedzwa, mamwe manzwiro asinganzwisisisike, mamwe manyawi, ekutura nendimi, kana kutamba! Kana zviri izvo zvega zvawakavimba nazvo, uye usingative Gwayana, pachako, usingaRizive, zvinoka, ndinokuraira pamberi paMwari, gadzirisa nyaya iyoyo, zvino, naMwari.

<sup>316</sup> Pakadzika mumoyo mako, namata. Uye ungova munyoro, nekuti Mwari vanovanda muhunyoro. Munoranganira, Bhaibheri rakati, "Vose avo vakatenda vakawedzerwa."

<sup>317</sup> Uye apo tiri kukunamatira, ndinovimba kuti uchaita (yako) sarudzo imwe chete iyoyo yeKusingaperi, "Ishe, ndichati, 'Hongu!'" Zvino *sarudzo* "ibwe." Asi rinobatsirei ibwe risina muvezi wematombo anogona kuricheka, pakuumba chivakwa, kuti rikwane pachivakwa? Zvino, rega Mweya Mutsvene ukucheka kubva pane zvauri, uchive zvaunofanira kuva. Kana uchingova nhengo yechechi yakaomarara; kana uri mutadzi; chero zvauri; kana usina Kristu, usina Mweya Mutsvene, Mwari ngavakupe rugare, manheru ano.

<sup>318</sup> Zvino, Ishe, nepfungwa dzakakwana sekuziva kwandinoita mauiro, uye zviri—zviri muMagwaro sokuziva kwandinoita

mauiro, ndinouya zvino neava vandakumikidza kwaMuri, neShoko. Ndiri kuvimba, Ishe, kuti Shoko rawana nzvimbo yaRo mumoyo yevanhu, manheru ano.

<sup>319</sup> Kana paine vakadaro pano vasingazine, kana vasina simbiso iyoyo yeHupo hunotapira hweMweya Mutsvene huchigara muhupenyu hwavo; kuti, hasha, kana kusava nehanya, kana hundini, kana kuti chimwe chinhu chakacheke Chinhu chikuru ichi kubva pavari, uye chikavadzivisa kwaChiri; kana chimwe chitendwa, kana—kana—kana kumwe kutekenyedzwa, kwakavadzivisa kubva pakutapira kwekuyanana kwaMwari; kuti zvino kuchasunungurwa!

<sup>320</sup> Uye kuti Gwayana, Hama tsvene iyoyo izere neRopa, yakauya ichifamba kubva paChigaro chehushe, ichidzika nemuZviedza zvakavanzika zvemakoridho eChigaro cheushe chaMwari, akabuda kundotora nhaka yaKe! Mwari, itai, manheru ano, kuti vaMugamuchire. Dai Sarudzo imwe neimwe yaitwa nekurevesa, uye dai vazvipira kuna iYe oga Anokwanisa kuvacheke nokuvaumba kuti vave vanakomana nevanasikana valMwari.

<sup>321</sup> Zvino, mumunamato unorevesa, ndiri kuita izvi nenzira yandinonzwa kutungamirirwa kuzviita nayo. Mukurevesa, pamberi paMwari, sezvaVaZviratidza kwamuri. Uye wanga usiri Mukristu, kana kuti usiri watinodaidza kuti... Kwete uyo—kwete uyo—uyo—uyo akajoinha sangano, asi ndinoreva Mukristu akazvarwa patsva. Asi uchitenda zvakaperera kuti Mharidzo iyi ndeyechokwadi, uye uchitenda zvakaperera kuti unogona kuponeswa bedzi nenyasha dzaMwari. Uye uchitenda kuti Ari kutaura kumoyo wako zvino. Uye uchida kuMugamuchira, zvakare wakagadzirira Shoko raKe kuti—kuti rikucheke kubva pane zvaauri, uye rigokuita zvaunofanira kuva. Uchapupura zvime chete here, nekumira netsoka dzako? Kana munhu iyeye ari pano, uye achida kuita zvakak—...icho chakakwana muna zvose, mira netsoka dzako.

<sup>322</sup> Baba vari Kudenga, handichaziva chimwe chekuita kunze kwekutura Shoko reNy. Hevano vanhu vakamira netsoka dzavo, vari kunzwa kuti vanga vasiri pavanofanira kunge vari, vakagadzirira Kubvutwa uku, nekuti zvinogona kuitika Chisimbiso Chekutanga chisati chavhurwa kwtiri.

<sup>323</sup> Uye, Baba, ndinovanamatira. Ini—ini, semuranda weNy, ndinopa munamato uyu kuMurevereri mukuru, Kristu. Pavari kunamata, ndinoisa munamato wangu pamwe navo, paChigaro chehushe chaMwari chichena, apo Chibairo chizere neRopa chigere manheru ano. Uye chero nguva anogona kubva paChigaro chehushe, kuti auye kuzotora zviri zvaKe, ipapo zvino hapachina zvachose tsitsi dzasara; kwava kutongwa.

<sup>324</sup> Itai, Ishe, kuti vanhu ava netsoka dzavo, vakamira; mumoyo yavo, vachireurura, uye vachida kurega Mweya waMwari kuti

uvaumbe, nekuvacheke, uye ugovaumba kuti vave mabwe mapenyu, muImba yaJehovha Mwari. Zviitei, Baba. Ndinovaisa kwaMuri zvino.

<sup>325</sup> Uye Makati, “Uyo achaNdipupura pamberi pavanhu, iyeye Ndichamupupura pamberi paBaba vaNgu neNgirozi tsvene.” Uye zvino Makagara ipapo, muhupo hwevose, manheru ano. Uye vakamira, vachiKupupurai. Uye, Ishe, kana zviri kubva pasi pemoyo wavo, sekungova chokwadi kweShoko raMwari rakarurama, Muri kuvareverera zvino, uye nekuvagamuchira munya—nyasha nemunzvimbos dzetsitsi dzeRopa rinonatsa reGwayana rechibairo. Uye vachave veNy, muZita raJesu Kristu. Ameni.

<sup>326</sup> Zvino, imi muri kuona vanhu ava vakamira netsoka dzavo, mujaya uyu arimo *imomo*, neavo vakamira, imi manzwa kuti chivi chese nekunzwa mhosva zvaenda. Ndinoda kuti mungosimuka, imi vamwe venyu vari pedyo navo. Vakwazisei ruoko, muti, “Hama, ndichakunamatirai. Hanzvadzi, ndiri kukunamatirai.” Ingokwazisa ruoko rwavo, woti, “Mwari vakuropafadzei.” Uye zvino zvime zvose zviri muruoko rwaSamasimba. Iti, “Ndichanyengetera, uye ndichaite zvose zvandinogona kuti ndikubatsirei kupinda muHumambo hwaMwari.”

...oo, ari kudana nhasi,  
Oo, Jesu ari kudana, Ari kudana zvinyoro-  
nyoro nhasi.

<sup>327</sup> MunuMuda here? HaAshamise here? Oo, taizodii pasina Izvi? “Munhu haangararami nechingwa chete; asi neShoko rimwe nerimwe rinobuda mumuromo waMwari, munhu uchararama.” OO, ndidyisei, Ishe, paShoko.

<sup>328</sup> “Musingarege kuungana pamwe chete, setsika yevasingatendi, uye zvikuru sei muchiona Zuva richiswedera.”

<sup>329</sup> Mwari vachitendera, mangwana manheru, nenyasha dzaMwari, Ndichaedza, nezvose zviri mandiri, kuVakumbira kuti vareve-... vareverere, kuti chakavanzika cheZvisimbiso izvi, pazvinoparurwa, zvichazivisa Shoko raMwari kuvanhu.

Kusvikira ndasangana nemi, Mwari vave nemi!

<sup>330</sup> Uye zvino ndinopa shumiro kuhama yedu inoremekedzwa, Hama Neville, mufundisi. Vangani vanoda Hama Neville? [Ungano inoti, “Ameni.”—Mupepeti] Zvino, tose tinodaro. Huyai zvenyu kumberi, Hama Neville. Hama Neville, Mwari vakuropafadzei, hama.



*MUKAHA PAKATI PEMAZERA MANOMWE  
EKEREKE NEZVISIMBISO ZVINOMWE SHO63-0317E*

(The Breach Between The Seven Church Ages and The Seven Seals)  
MHARIDZO DZAKATEVEDZANA DZECHIZARURO CHEZVISIMBISO ZVINOMWE

Mharidzo iyi neHama William Marrion Branham, yakaparidzwa kwokutanga neChirungu Svondo manheru, Kurume 17, 1963, paBranham Tabhenakeri muJeffersonville, Indiana, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©2023 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE  
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)